

यूहन्ना रचति यीशु मसीह का सुसमाचार यूहन्ना अनन्द लखिसद यीशु मसीह अन बारा दा खुशखबरी परचिय

ईद यूहन्ना अन लखिसद ई खुशखबरी इन कतिाब व्हाशेव नयिम इन नाक खुशखबरी इन कतिाबगोळ दा टु ऊंद हुन, जो यीशु मसीह अन जीवन इन बारा दा हेळतद. यीशु मसीह अन सोत्तुर बाददा, मत्ती, मरकुस, लूका, अदकि यूहन्ना अन द्वारा ई कतिाबगोळी लखिसकु आग्याद. ई सप्पा कतिाबगोळी खुशखबरी इन कतिाब अनतार. मसीह अन जनम इन १० वर्ष इन बाददा ईद खुशखबरी प्रेरति यूहन्ना लखिस्यान. ई कतिाब दा ईद लखिसकु हैलेच कि इदरी लखिसावाळा लेखक यूहन्ना हुन, तरी भी पयला यूहन्ना, दुसरा यूहन्ना अदकि तसिरा यूहन्ना अन लखिवट देल मेल तनितद. आ समय यूहन्ना इफसिस शयर दा ईरतोगोन इदुरसाटी ई कतिाब इफसिस दा लखिसकु आग्याद हगि येनारा स्याणा लेखकगोळ मान्सतार.

यूहन्ना ई कतिाब लखिसोद उद्देश सफाई देल ईटतान कि लॉकुरी, यीशु मसीह हुन अदकि जतिता परमेश्वर उन पार हुन यूहन्ना २०:३१ ई मात मा वशिवास माळोर साटी लॉकुरी मदत सकिल. आऊन मा वशिवास माळदुर द्वारा आऊन हेसुर देल नामी जीवन सकि सकुल. ईद कतिाब यहूदी अदकि गैरयहूदी येदुहु मुंदुर साटी लखिसकु आग्याद. यूहन्ना अन खुशखबरी दा बाकी नव मुर खुशखबरी दा टु येनारा मातगोळ अलग आव. यीशु मसीह अन माळद चमत्कारगोळ मा यूहन्ना ऊजुळ हाकतान अदकि आऊन उदाहरणगोळ बारा दा यक्कुल लखिसकु आगीदील. यीशु

अन बपतस्मा अदकि सुनसान जागा दा परीक्षा, ऊंदा घाई जरूरी घटनागोळी ई खुशखबरी दा लखिसकु आगीदील.

रूप रेखा:

१. यूहन्ना खुशखबरी इन सुरूवात १:१-१८
२. बाददा आव आ चमत्कारगोळ बारा दा लखिसतान जो यीशु माळ्यान १:१९-१२:५०
३. मुंद आव हापाळ घटनागोळ बारा दा हेळतान जो यीशु मसीह इन जीवन इक मृत्यु अदकि पुनरूत्थान ताका ओयताव १३:१-२०:३१
४. यूहन्ना अन २१ आ पाठ दा खुशखबरी खतम माळतान, यदुर दा यीशु सोत्तुर दा टु जत्तिता आगकु लॉकुर मुंद बरतान. अदकि आखरी दा तान कतिाब लखिसोद उद्देश हेळतेला खतम माळतान.

जीवन इन शब्द

१ सुरूवात दा शब्द ईरोद, अदकि शब्द परमेश्वर उन सांगुळ ईरोद, अदकि शब्द परमेश्वर ईरोन. २ ईदा शब्द सुरूवात टु परमेश्वर उन सांगुळ ईरोद. ३ सप्पा येनारा शब्द इन द्वारा पैदा आत, अदकि जो येनारा पैदा आग्याद अदुर दा टु यातोदारा भी चजि आऊन सवाय बनसीदील. ४ शब्द जीवन इन स्त्रोत ईरोद अदकि अद जीवन लॉकुर साटी ऊजुळ तर्त. ५ ऊजुळ अंधार दा चमकुसतद, अदकि अंधार यागलु इदरी हारूस सकाल.

६ *परमेश्वर ऊंद बातणी कोळावाळा कळुदुन यार्द हेसुर यूहन्ना ईरोद. ७ आव गवाही कोळली बंदुन कि ऊजुळ इन गवाही कोळुल, ताकी सप्पा मुंदुर आऊन बातणी केळकु वशिवास माळुल. ८ आव खुद रा ऊजुळ ईला ईरोन, लेकीन आ ऊजुळ इन

* 1:6 १:६ मत्ती ३:३; मरकुस १:४; लूका ३:१,२

गवाही कोळेर साटी बंदीदुन. 9 खरा ऊजुळ जो हर ऊंद मळसा अक प्रकाशति माळतद, दुनयिा दा बरावाळा ईरोद.

10 अद शब्द दुनयिा दा ईरोद, अदकि परमेश्वर आऊन द्वारा दुनयिा माळदुन, तरी भी दुनयिा आऊक अरतीदलि. 11 आव तान खुद इन लॉकुर हाती बंदुन लेकीन आऊन खुद इन लॉकुर आऊक ग्रहण माळीदील. 12 लेकीन यास मुंदुर आऊक ग्रहण माळदुर, मतलब आंदरी जो आऊन हेसुर मा वशिवास ईटतार, आव आंदरी परमेश्वर उन औलाद आगोद अधिकार कोट्टुन. 13 आंदुर ना रा स्वाभावकि तरीका देल परमेश्वर उन औलाद बनसदुर, मतलब मानवीय आप्प उन देल पैदा आगीदील बल्की परमेश्वर खुद आंदुरव आप्प ईरोन.

14 अदकि वचन देहधारी आत; अदकि अनुग्रह अदकि सच्चाई देल परपुर्ण आगकु नाम न्याड्या ड्यारा हाक्त, अदकि नाव अदुरद हगि महमिा नोळदेव, जसा आप्प उन ऊंद ठैसा अन्द महमिा.

15 यूहन्ना आऊन बारा दा गवाही कोट्टुन, अदकि कारूकु अंदुन, “ईव आवा हुन, यार्द वर्णन ना माळदीन कि जो नान बाद्दा बरेत्यान, आव नान से वाळुसकु आन यतकी आव नान से पयले ईरोन.”

16 यतकी आऊन परपुर्णता दा टु नाव सप्पा मुंदुर प्रापूत माळदेव मतलब अनुग्रह मा अनुग्रह प्रापूत माळदेव. 17 इदुरसाटी कि व्यवस्था रा मूसा अन्द द्वारा कोटक आत, लेकीन अनुग्रह अदकि सच्चाई यीशु मसीह अन्द द्वारा बत्त. 18 परमेश्वर उक याऊ यागलु नोळीदील, ऊंद ठैसा पार जो आप्प उन क्वारा दा आन, आवा परमेश्वर उक प्रगट माळदुन.

यूहन्ना बपतस्मिा कोळावाळा अन्द बातणी
(मत्ती ३:१-१२; मरकुस १:१-८; लूका ३:१-१८)

19 यूहन्ना अन्द गवाही ईद आद, कि याग यहूदीगोळ यरूशलेम टु याजकगोळ अदकि कर ताकोमावाळेर इक आऊन से ईद केळोर साटी कळुदुर, “नी याव हुय?”

20 रा आव ईद मान्स कौडुन अदकि इनकार माळीदलि, लेकीन मान्स कौडुन, “ना मसीह आलच.”

21 आग आंदुर आऊन से केळुदुर, “रा बाक नी याव हुय? येन नी एलयियाह हुय?”

आव अंदुन, ईला, “ना एलयियाह आलच.”

“रा येन नी आ भवषियवक्ता हुय?”

आव उत्तर कोट्टुन, “ईला.”

22 आग आंदुर आऊन से केळुदुर, “बाक नी हुय याव? यतकी नाव तान कळावाळेर इक उत्तर कोट्टेव. नी तान बारा दा येन हेळत्या?”

23 यूहन्ना अंदुन, “हयांग यशायाह भवषियवक्ता अंदान: “ना आळी दा ऊंद कारावाळा अन्द आवाज हुईन

कनिव प्रभु उन हादी सरका माळी.”

24 आंदुर फरीसीगोळ्द दी टु कळुकु आगीदुर. 25 आंदुर आऊन से केळुदुर, “अगर नी मसीह आलच, अदकि ना एलयियाह, अदकि ना आ भवषियवक्ता हुय, रा बाक बपतस्मा येती कोळत्या?”

26 बपतस्मा कोळावाळा यूहन्ना आंदरी उत्तर कोट्टुन, “ना रा नीर देल बपतस्मा कोळतीन, लेकीन नीम बीच दा ऊंद मळसा नदिरकु आन यारी नीव अरालीर. 27 मतलब नान बाददा बरावाळा आन, आऊन केरू उन बन्ध भी ना खोल्सा लायक हैलेच.”

28 “ई मातगोळ यरदन गांगा अन्द आप्पाटी बैतनयियाह नगर दा आदव, यल यूहन्ना बपतस्मा कोळतोगोन.”

परमेश्वर उन मेमना*

29 “दुसरा दशी यूहन्ना यीशु उक तान दी बरत नोळकु अंदुन, नोळी ईव परमेश्वर उन म्यांडा अन पाड्डा हुन जो दुनया अनन्द पाप नेगुकु वोयतान. 30 ईव आवा हुन यार्द बारा दा ना अंददीन, ऊंद मंळसा नान हदि बरतान जो नान से श्रेश्ट आन, यतकी आव नान से पयले ईरोन. 31 ना भी रा आऊक ईला अरीन, लेकीन इदुरसाटी ना नीर देल बपतस्मा कोळतेला बंदीन क्वाव इस्त्राएल मा प्रगट आगेगुल.”

32 अदकि बपतस्मा कोळावाळा यूहन्ना ईद गवाही कोट्टुन: “ना पवतिर आत्मा अक कबूतर इन घाई स्वर्ग टु ईळुतेला नोळीन, अदकि नोळदीन क्वा आ आत्मा आऊन मा बंदकु ठेहरूसेत. 33 ना रा आऊक ईला अरीन, लेकीन याव नानी नीर देल बपतस्मा कोळली कळुदुन, आवा नान से अंदुन, थार मा नी आत्मा अक ईळुत अदकि ठेहरूस्त नोळ्या, आवा पवतिर आत्मा देल बपतस्मा कोळावाळा हुन.’ 34 अदकि ना नोळदीन, अदकि गवाही कोट्टीन क्वा ईवा परमेश्वर उन पार हुन.”

यीशु नोर पयला चेलागोळ

35 दुसरा दनि मात्त यूहन्ना तान येदढ चेलागोळ सांगुळ नदिरकु ईरोन, 36 अदकि आव यीशु उक होगत नोळदुन, अदकि अंदुन, “नोळी, ईव परमेश्वर उन म्यांडा अन पाड्डा हुन.”

37 आग आंदुर येदढु चेलागोळ आऊन मातगोळ केळकु यीशु उन हदि आगेदुर. 38 यीशु तरिगकु आंदरी बरत नोळदुन अदकि आंदुर से अंदुन, “नीव यार्द खोज दा आईर?”

आंदुर आऊन से अंदुर, “हे गुरु, नी यल ईरत्या?”

39 यीशु आंदुर से अंदुन, “नळी, रा नोळ कोंडीर.” आग आंदुर होगकु आऊन ईरोद जागा नोळदुर, अदकि आ दनि

* 1:28 १:२९ म्यांडा अन पाड्डा

आऊन सांगुळ ईत्तुर. यतकी द्यावमुळका नव लगभग नाक मुरदोगदिव.

40 आ येद्वु मुंदुर दा टु, जो यूहन्ना अनन्द मात केळकु हदि आगोगीदुर, ऊंद शमौन पतरस उन वार्ट अनर्द्रयास ईरोन.

41 आव पयले तान सग्गा वार्ट शमौन से सक्कि आऊन से अंदुन, “नामी खरसित्त, मतलब मसीह, सक्किगेयान.” 42 अनर्द्रयास आऊक यीशु उन हात्ती तंदुन.

यीशु आऊन मा दृष्टी माळकु अंदुन, “नी यूहन्ना अनन्द पार शमौन ह्यः नीनी कैफा मतलब पतरस अंदकु आदीत.

फलिप्पुस अदकि नतनएल उक कारूकु आगोद

43 “दुसरा दशी यीशु गलील नगर इक होगोद चाहासदुन. यीशु फलिप्पुस से भेट माळदुन अदकि अंदुन, ‘नान हदि आगोग.’” 44 फलिप्पुस, अनर्द्रयास अदकि पतरस उन नगर बैतसैदा नव ईरावाळा ईरोन. 45 फलिप्पुस नतनएल से भेट माळदुन अदकि आऊन से अंदुन, “यार्द वर्णन मूसा व्यवस्था अनन्द कतिब दा अदकि भवष्यवक्तागोळ माळ्यार, आव नामी सक्किेदुन; आव यूसुफ उन पार, यीशु नासरी हुन.”

46 नतनएल आऊन से अंदुन, “येन येनारा वळ्ळीद वस्तु भी नासरत नगर टु होळ सकतद?”

फलिप्पुस आऊन से अंदुन, “नळ्ळु कु नोळ कोम.”

47 यीशु नतनएल उक तान दी बर्त नोळकु आऊन बारा दा अंदुन, “नोळी, ईव सही दा इस्त्राएली हुन: ईऊन बुळ्ळ कपट हल्लेच.”

48 नतनएल आऊन से अंदुन, “नी नानी ह्यांग अरूत्या?”

यीशु आऊक उत्तर कोट्टुन, “इदुर से पयले क्क फलिप्पुस नीनी कारदुन, याग नी अंजीर इन मारर इन ल्यालमा ईर्या, आग ना नीनी नोळीदीन.”

49 नतनएल आऊक उत्तर कोट्टुन, “हे गुरु, नी परमेश्वर उन पार हुय; नी इस्त्राएल इन राजा हुय.”

50 यीशु आऊक उत्तर कोट्टुन, “ना जो नीन से अंदीन कनि ना नीनी अंजीर इन मारर इन ल्यालमा नोळदीन, येन नी इदुरसाटी नान मा वशिवास माळत्या? नी इदुर से भी धोड्-धोड्डेव क्याल्सा नोळ्या.” 51 बाक आऊन से अंदुन, “ना नीम से खरा खरा माताळतीन कनि नीव स्वर्ग इक तेरूतेला, अदकि परमेश्वर उन स्वर्गदूतगोळ इक मंळसा अन पार उन म्याकुच ईळुत अदकि म्याकुच होग्त नोळीर.”

2

काना नगर दा मदा

1 तसिरा दशिी गलील इन काना नगर दा यारदारा मदा ईरोद, अदकि यीशु उन मोय भी अल ईरोर. 2 यीशु अदकि आऊन चेलागोळ भी आ मदा दा आमंत्रति ईरोर. 3 याग अंगुर इन रास्सा खतम आगेत, रा यीशु उन मोय यीशु से अंदुर, “आंदुर हात्ती अंगुर इन रास्सा मकिदिलि.”

4 यीशु आकनि से अंदुन “हे आरत, नानी नीन से येन क्याल्सा? ईगल्या नान समय बरली आद.”

5 आऊन मोय सेवकगोळ से अंदुर, “जो येनारा आव नीम से अंदान, अदा माळेतीर.”

6 अल यहूदीगोळ्द कय-काल तोळोद प्रथा अन्द अनुसार कल्लगोळ्द आर: माळका ईटकु ईरव, हर ऊंद माळका दा लगभग येदद-येदद, मुर-मुर मन तुमकु आगोद. 7 यीशु सेवकगोळ से अंदुन, “माळकागोळ दा नीर तुम बुळी.” आंदुर अवरी सीगासीग तुम बुटुर. 8 आग आव आंदुर से अंदुन, “ईग थ्वाळासा नीर तेगुकु सयपाक माळावाळा प्रधान उन हात्ती ओई.” अदकि आंदुर ओतुर. 9 याग सयपाक माळावाळा प्रधान अद नीर इक नेकदुन, जो अंगुर इन रास्सा बनसेगति अदकि आव ईला अरोन

कऱ अद यल टु बंदाद लेकीन जो सेवकगोळ नीर तेगददुर आंदुर अरोर, रा सयपाक माळावाळा प्रधान मंळगार उक कारूकु आऊन से अंदुन, ¹⁰ “हर ऊंद मंळसा पयले वळ्लीद अंगुर इन रास्सा कोळतान, अदकि याग लांकुर कुडुकु संतुष्ट आगेगतार, आग थ्वाळासा मध्यम प्रकार इन रास्सा कोळतान; लेकीन नी रा वळ्लीद अंगुर इन रास्सा ईगासताका मक्सकु ईट्या.”

¹¹ यीशु गलील इन काना नगर दा तान ईद पयला चमत्कार तोरसकु तान महमा प्रगट माळदुन अदकि आऊन चेलागोळ आऊन मा वशिवास माळदुर.

¹² इदुर बाददा यीशु अदकि आऊन मोय अदकि आऊन वारटुर अदकि आऊन चेलागोळ कफरनहूम नगर इक होदुर अदकि अल थ्वाळासा दनि ईत्तुर.

यीशु उन मंदरि दा होगोद

(मत्ती २१:१२,१३; मरकुस ११:१५-१७; लूका १९:४५,४६)

¹³ यहूदीगोळ्द फसह अन्द हाब्ब हात्ती ईरोद, अदकि यीशु यरूशलैम इक होदुन. ¹⁴ आव मंदरि दा वस्ता, म्यांडा अदकि कबूतर मारावाळेर अदकि वहान्ना मारावाळेर लांकुरी कुर्तकु नोळदुन. ¹⁵ आग आव जाळीगोळ्द क्वाळा माळकु, सपपा म्यांडागोळ अदकि वस्तागोळी मंदरि टु तेग्द बुट्टुन, अदकि वहान्ना मारावाळेर लांकुर्द पैस्या भटिकु सळा माळ बुट्टुन अदकि पांळ्सीगोळी उलटुस बुट्टुन, ¹⁶ अदकि कबूतरमारावाळेर से अंदुन, “इवरी ईल टु राटनेरी ओई. नान आप्प उन मान्ना अक व्यापार इन मान्ना माळवाळी.” ¹⁷ *आग आऊन चेलागोळी याद बत्त कऱ लिखिसकु शास्त्र आद, “नीन मान्ना अन्द धुन नानी तदि बुट्टीत.”

☆ 2:12 २:१२ मत्ती ४:१३ * 2:17 २:१७ भजन संहिता ६ ९:९

18 इदुर मा यहूदीगोळ आऊन से अंदुर, “नी जो ईद माळत्या रा नामी यातोद चमत्कार तोरसत्या?”

19 यीशु आंदरी उत्तर कोट्टुन, “ई मंदरि इक केळ्द बुळी, अदकि ना इदरी मुर दनि दा नदिरूस बुळाईन.”

20 यहूदीगोळ अंदुर, “ई मंदरि इक माळदुर दा छयालीस वर्ष हत्याव, अदकि येन नी ईदरी मुर दनि दा नदिरूस बुट्या?”

21 लेकीन यीशु तान मय इन मंदरि इन बारा दा अंददिन.

22 इदुरसाटी याग आव सोत्तुर दा टु जत्तिता आदुन रा आऊन चेलागोळी याद बत्त क्कि आव ईद अंददिन; अदकि आंदुर पवत्रिशास्त्र अदकि आ वचन इन जो यीशु अंददिन, वशिवास माळदुर.

यीशु मंळसा अन्द मन इक अरूतान

23 याग यीशु यरूशलेम दा फसह अन्द समय हाब्व दा ईरोन, रा हापाळ मुंदुर आ चमत्कारगोळी जो आव तोरसतोगोन नोळकु आऊन हेसुर मा वशिवास माळदुर. 24 लेकीन यीशु तान तान इक आंदुर भरोसा मा बटीदलि, यतकी आव सप्पा मुंदुर मनगोळी अरूतोगोन; 25 अदकि आऊक जरवत ईला ईरोद क्कि मंळसा अन्द बारा दा यावारा गवाही कोळुल, यतकी आव खुद अच अरोन क्कि मंळसा अन्द मन दा येन आद?

3

यीशु अदकि नीकुदेमुस

1 फरीसीगोळ दा नीकुदेमुस हेसुर ईनव ऊंद मंळसा ईरोन, जो यहूदी लॉकुरव सरदार ईरोन. 2 आव ईळ्लक इक यीशु उन हात्ती बंदकु आऊन से अंदुन, “हे गुरु, नाव जानसतेव क्कि नी परमेश्वर दी टु गुरु आगकु बंद्या, यतकी ई चनिहगोळी जो नी तोरसत्या,

☆ 2:19 २:१९ मत्ती २६:६१; २७:४०; मरकुस १४:५८; १५:२९

अगर परमेश्वर नीन सांगुळ ईला ईरायदुन रा नी ई चनिहगोळी ईला तोरस सकाईद.”

3 यीशु आऊक उत्तर कोट्टुन, “ना नीन से खरा खरा अनतीन, अगर यावारा व्हाशोद रीतदिल पैदा आगालुन रा आव परमेश्वर उन राज्य नोळ सकालुन.”

4 नीकुदेमुस यीशु उक अंदुन, “मळसा याग हाळाबाट आगेदुन, रा ह्यांग पैदा आग सकतान? येन आव तान मोय इन गर्भ दा दुसरा घन प्रवेश माळकु पैदा आग सकतान?”

5 यीशु उत्तर कोट्टुन, “ना नीन से खरा खरा अनतीन, यागासताका यावारा मळसा नीर अदकि आत्मा देल पैदा आगालुन आगासताका आव परमेश्वर उन राज्य दा प्रवेश माळ सकालुन. 6 यतकी जो मय देल पैदा आग्याद, अद मय हुन; अदकि जो आत्मा देल पैदा आग्याद, अद आत्मा हुन. 7 अचम्भा माळबाळ क्ना नीन से अंदीन, ‘नीनी व्हाशोद रीतदिल देल पैदा आगोद जरूरी आद.’ 8 हवा यात चाहासतद आत नळुतद अदकि नी अदुर्द शब्द केळत्या, लेकीन अरू सकाल क्ना अद यातु टु बरतद अदकि यात होगतद? जो यावारा आत्मा देल पैदा आग्यान आव हगि अच आन.”

9 नीकुदेमुस आऊक उत्तर कोट्टुन, “ईव मातगोळ ह्यांग आग सकताव?”

10 ईद केळकु यीशु आऊन से अंदुन, “नी इस्त्राएलीगोळ्द गुरु ईतकु भी येन ई मातगोळी समसाल? 11 ना नीन से खरा खरा अनतीन क्ना नाव जो अरूतेव अद माताळतेव, अदकि यदरी नाव नोळेव अदुर्द गवाही कोळतेव, अदकि नीव नाम गवाही ग्रहण माळालीर. 12 याग ना नीम से पृथ्वी इन मातगोळ माळदीन अदकि नीव वश्वास माळीदलि, रा अगर ना नीम से स्वर्ग इन मातगोळ माळाईन रा बाक ह्यांग वश्वास माळीर? 13 याऊ

स्वर्ग मा येरीदलि, सर्फि आवा जो स्वर्ग टु ईळदान, मतलब मळसा अन पार जो स्वर्ग दा आन.”

14 अदकि याता रीर्ता देल मूसा आळी दा हाव इक ऊँचाई मा येर्सदुन, अदा रीर्ता देल जरूरी आद कि मळसा अन पार भी ऊँचाई मा येर्सकु आगुल; 15 ताकी जो यावारा आऊन मा वशिवास माळ्यान आऊक अनन्त जीवन सकिल. 16 “यतकी परमेश्वर दुनिया से हगि प्यार ईटदुन कि आव तान ऊंद ठैसा पार कोट बुट्टुन, ताकी जो यावारा आऊन मा वशिवास माळ्यान आऊन नाश आगबाळुल, लेकीन आऊक अनन्त जीवन सकिल. 17 परमेश्वर तान पार उक दुनिया दा इदुरसाटी कळीदलि कि दुनिया मा दण्ड इन आग्या कोळुल, लेकीन इदुरसाटी कळ्यान कि दुनिया अक आऊन द्वारा उद्धार सकिल.

18 “जो आऊन मा वशिवास माळतान, आऊन मा दण्ड इन आग्या आगाल, लेकीन जो आऊन मा वशिवास माळालुन, आव दोषी ठहूरसतान; इदुरसाटी कि आव परमेश्वर उन ऊंद ठैसा पार उन हेसुर मा वशिवास माळीदलि. 19 अदकि दण्ड इन आग्या अनद कारण ईद आद कि ज्योर्ता दुनिया दा बंदाद, अदकि मळसागोळ अंधार इक ज्योर्ता से यक्कुल प्रयि सम्सदुर यतकी आंदुर क्यालसा बुरा ईरव. 20 यतकी जो यावारा बुराई माळतान, आव ज्योर्ता से दुश्मनी ईटतान, अदकि ज्योर्ता इन हात्ती बरालुन, हगि आगबाळुल कि आऊन क्यालसागोळ मा दोष हचकु आगुल. 21 लेकीन आव जो सच्चाई मा नळुतान, अदकि ज्योर्ता इन हात्ती बरतान, यदुर देल ईद प्रगट आगुल कि आऊन क्यालसा परमेश्वर उन दी टु माळकु आग्याव.”

यीशु अदकि यूहन्ना

22 इदुर बाददा यीशु अदकि आऊन चेलागोळ यहूदिया द्याश दा बंदुर; अदकि यीशु अल आंदुर सांगुळ ईतकु बपतसिमा कोळली कुरतुन. 23 यूहन्ना भी शालेम नगर इन हात्ती ऐनोन दा

बपतस्मा कोळतोगोन, यतकी अल हापाळ नीर ईरोद, अदकि लॉकुर बंदकु बपतस्मा ताकोम तोगोर. 24 ✨यूहन्ना आ समय ताका बंदीगृह दा हाक्कु आगली ईरोन.

25 अल यूहन्ना अन्द चेलागोळ्द यावारा यहूदी इन सांगुळ शुद्धीकरण इन बारा दा वाद-ववाद आत. 26 अदकि आंदुर यूहन्ना अन्द हात्ती बंदकु आऊन से अंदुर, “हे गुरु, जो मंळसा यरदन इन आप्पाटी नीन सांगुळ ईरोन, अदकि यार्द नी गवाही कोट्या; नोळ, आव बपतस्मा कोळतान, अदकि सप्पा मुंदुर आऊन हात्ती बरतार.”

27 यूहन्ना उत्तर कोट्टुन, “यागासताका मंळसा अक स्वर्ग इन दी टु कोटकु आगाल, आगासताका आव येनु हासलि माळ सकालुन. 28 ✨नीव रा खुद अच नान गवाह हुईर कनिा अंदीन, ‘ना मसीह आलच, लेकीन आऊन मुंद कळ्ळु आगीन.’ 29 यार्द मंळगीत आर, आवा मंळगार हुन; लेकीन मंळगार उन संगी जो नदिरकु आऊन केळतान, मंळगार उन शब्द केळ्ळु हापाळ खुश आगतान: ईग नान ईद खुशी पुरा आग्याद. 30 जरूरी आद कि आव धोड्डेव आगुल अदकि ना स्याणेव.

स्वर्ग टु बरावाळा आव याव हुन

31 “जो म्याकुच टु बरतान आव सब से वळ्लेव आन; जो पृथ्वी टु बरतान आव पृथ्वी नव हुन, अदकि पृथ्वी इन मातगोळी हेळतान: जो स्वर्ग टु बरतान, आव सप्पा मुंदुरद म्याकुच आन. 32 जो येनारा आव नोळ्यान अदकि केळ्यान, अदुरदा गवाही कोळतान; अदकि याऊ आऊन गवाही ग्रहण माळालुन. 33 याव आऊन गवाही ग्रहण माळ कौंडुन आव ई मात मा छाप हच बुट्टुन कि परमेश्वर खरा आन. 34 यतकी यारी परमेश्वर कळ्यान, आव परमेश्वर उन मातगोळ अनतान; यतकी आव

✨ 3:24 ३:२४ मत्ती १४:३; मरकुस ६:१७; लूका ३:१९,२० ✨ 3:28 ३:२८ यूहन्ना १:२०

आत्मा आळु आळुकु कोळालुन. ³⁵ ✨ आप्प पार से प्यार ईटतान, अदकि आव सप्पा वस्तुगोळ आऊन कय दा ईट बुटान. ³⁶ जो पार मा वशिवास माळतान, अनन्त जीवन आऊन हुन; लेकीन जो पार उन मातगोळी मान्सालुन, आव जीवन इक नोळतीदलि, लेकीन परमेश्वर उन सट्टि आऊन मा ईरतद.”

4

यीशु अदकि सामरी आर्त

¹ फरीसीगोळ केळ्यार की यीशु बपतसिमा माळावाळा यूहन्ना से यक्कुल चेलागोळी बपतसिमा कोळतान. ² यीशु खुद यागलु ईला उलटा आऊन चेलागोळ बपतसिमा कोळतोगोर. ³ याग यीशु अक पता नळुत की फरीसीगोळ हगि मातगोळी माळतार रा आव यहूदिया बटिकु गलील इक ओळ्ळेदुन, ⁴ अदकि आऊक सामरीया टु आगकु होगोद जरूरी ईरोद. ⁵ इदुरसाटी आव सूखार हेसुर इन सामरीया अनद ऊंद नगर ताका बंदुन, जो आ भूमी इन हात्ती आद यदरी याकूब तान पार यूसुफ उक कोटीदुन; ⁶ अदकि याकूब उन भाय भी अल्या ईरोद. इदुरसाटी यात्रा टु थक्स माळकु यीशु भाय इन हात्ती हगि अच कुरतोदुन. आ समय लगभग हागुल इनव हन्नेळ मुरददिव. ⁷ इदुर दा ऊंद सामरी जाती नोर आर्त नीर तुमली बंदुर. यीशु आकनि से अंदुन, “नानी नीर कुळ्स.” ⁸ यतकी आऊन चेलागोळ रा नगर दा भोजन कोम्मोर साटी होगीदुर. ⁹ आ सामरी जात इन आर्त आऊन से अंदुर, “नी यहूदी ईतकु ना सामरी जाती नोर आर्त इन से नीर येती बेळत्या?” यतकी यहूदी सामरी जात इन लॉकुर सांगुळ यातोदु प्रकार इन व्यवहार ईटालुर. ¹⁰ यीशु उत्तर कोट्टुन, “अगर नी परमेश्वर उन वरदान इक जानसाईद, अदकि ईद भी जानसाईद की आव याव हुन जो नीन से अनतान,

‘नानी नीर कुळ्स्,’ रा नी आऊन से बेळाईद, अदकि आव नीनी जीवन इन नीर कोळायदुन.” 11 आर्त आऊन से अंदुर, “हे प्रभु, नीन हात्ती नीर तुमली रा बाल्टी भी हैलेच, अदकि भाय खोल आद; रा बाक अद जीवन इन नीर नीन हात्ती यल टु बत्त? 12 येन नी नाम आप्प याकूब से धोड्डेव आय, याव नामी ईद भाय कोट्टुन; अदकि खुद अच तान औलाद, अदकि तान जनावरगोळ सांगुळ इदुर दा टु नीर कुळदुन?” 13 यीशु आक इक उत्तर कोट्टुन, “जो यावारा ईद नीर कुळदान आव मात्त प्यासा ईत्तान, 14 लेकीन जो यावारा आ नीर इक कुळदान जो ना आऊक कोळाईन, आव बाक अनन्त काल ताका प्यासा आगतीदील; लेकीन जो नीर ना आऊक कोळाईन, अद आऊन दा ऊद झरना बनसेदति जो अनन्त जीवन इन साटी उमळुसतेला ईत्तीत.” 15 आर्त आऊन से अंदुर, “हे प्रभु, अद नीर नानी कोळ ताकी ना प्यासा आगबाळुल अदकि ना नीर तुमली ईट दुर बराईन.” 16 यीशु आकनि से अंदुन, “होग, तान गांडड उक ईल कारूकु तर.” 17 आर्त उत्तर कोट्टुन, “ना बनि गांडड उन आईन.” यीशु आकनि से अंदुन, “नी ठीक अनत्या, ‘ना बनि गांडड उन आईन.’ 18 यतकी नी अईद गांडुरी माळ कोंड्या, अदकि यार हात्ती नी ईग आय आव भी नीन गांडड आल्लच. ईद नी सही अच अनत्या.” 19 आर्त आऊन से अंदुर, “हे प्रभु, नानी हततद कि नी भवषियवक्ता हुय. 20 नाम आप्प दादागोळ ईदा पहाळी मा आराधना माळदुर, अदकि नीव अनतीर कि अद जागा यल आराधना माळ पायजे यरूशलेम दा आद.” 21 यीशु आकनि से अंदुन, “हे आर्त, नान मात इन वशिवास माळ कि अद समय बरतद कि नीव ना रा ईद पहाळी मा आप्प उन आराधना माळीर, ना यरूशलेम दा. 22 नीव यारी जान्सालीर, आऊन आराधना माळतीर; अदकि नाव यारी जान्सतेव आऊन आराधना माळतेव; यतकी उद्धार यहूदीगोळ दा टु आद.

23 लेकीन अद समय बरतद, लेकीन ईग भी आद, यारदा खरा भक्त आप्प उन आराधना आत्मा अदकि सच्चाई देल माळेव, यतकी आप्प तान साटी हगि अच आराधकगोळी हुंढसतान. 24 परमेश्वर आत्मा आन, अदकि जरूरी आद क आऊन आराधना माळावाळेर आत्मा अदकि सच्चाई देल आराधना माळुल.” 25 आर्त आऊन से अंदुर, “ना जान्सतीन कमसीह जो खरस्ति कहुलुसतान, बरावाळा आन; याग आव बंदान, रा नामी सप्पा मातगोळी हेळ बुट्टान.” 26 यीशु आकनि से अंदुन, “ना जो नीन से अनेतीन, आवा हुईन.”

27 इदुर दा यीशु उन चेलागोळ होट्ट बंदुर, अदकि अचम्भा माळली कुरतुर क आव आर्त से मातगोळी हेळेत्यान; तरी याऊ केळीदील, “नी येन चाहासत्या?” या “यदुर साटी आकनि से मातगोळी हेळेत्या?” 28 आग आर्त तान घागरी बटिकु नगर दा वोळेदुर, अदकि लॉकुर से अनली कुरतुर, 29 “बरी, ऊंद मंळसा अक नोळी, याव सप्पा येनारा जो ना माळीन नानी हेळ बुट्टुन. येनारा ईवा रा मसीह आल्लच?” 30 इदुरसाटी लॉकुर नगर टु होटकु आऊन हात्ती बरली कुरतुर. 31 ईदुर बीच दा आऊन चेलागोळ यीशु से ईद वनिती माळदुर, “हे गुरु, येनारा तनि कोम.” 32 लेकीन आव आंदुर से अंदुन, “नान हात्ती तनोर साटी हगि भोजन आद यदरी नीव जान्सालीर.” 33 आग चेलागोळ आपस दा अंदुर, “येन यावारा आऊन साटी येनारा तनिली तंदान?” 34 यीशु आंदुर से अंदुन, “नान भोजन ईद आद क तान कळावाळा अन्द इच्छा अन अनुसार नळाईन अदकि आऊन क्याल्सा पुरा माळाईन. 35 येन नीव अनालीर, ‘कटनी आगदुर दा ईग भी नाक तगिळ बाकी आव?’ नोळी, ना नीम से अनतीन, तान कण्णगोळी नेगुकु केयगोळ मा नजर हाक्की क आव कटाई इन साटी फसल पकसेग्याद. 36 फसल कडावाळा अक मजदूरी सकितद अदकि अनन्त जीवन इन साटी काय जमा

माळतान, ताकी हचावाळा अदकि कडावाळा येढ्हु मुंदुर मलिसकु आनन्द माळुल. 37 यतकी ईल ईद कहावत सही कुरतद: 'फसल हचावाळा दुसरा आन अदकि कडावाळा दुसरा.' 38 ना नीमी अद केई कडोर साटी कळुदीन यदुरदा नीव मेहनत माळीदील: दुसरागोळ मेहनत माळदुर अदकि नीव आंदुरद मेहनत इन फल दा हसिसेदार आदीर."

39 आ नगर इन हापाळ सा सामरी लॉकुर आ आर्त इन अंदुर देल यीशु मा वशिवास माळदुर; यतकी आक ईद गवाही कोटीदुर: आव सप्पा येनारा जो ना माळदीन, नानी हेळ बुटुन. 40 इदुरसाटी याग ई सामरी लॉकुर आऊन हात्ती बंदुर, रा आऊन से वनिती माळली कुरतुर कि नाम ईल ईर. इदुरसाटी आव अल येढ्ढ दनि ताका ईततुन. 41 आऊन वचन इन कारण अदकि भी हापाळ सा लॉकुर वशिवास माळदुर 42 अदकि आ आर्त से अंदुर, "ईग नाव नीन अंदुर देल अच वशिवास माळालेव; यतकी नाव खुद अच केळ कोडेव, अदकि जान्सतेव कि ईवा सही दा दुनया अन उद्धारकर्ता हुन."

यीशु अधिकारी अन पार उक चंगा माळदुन

43 बाक आ येढ्ढ दनिगोळ बाद्दा यीशु अल टु होटकु गलील इक होदुन, 44 यतकी यीशु खुद अच गवाही कोट्टुन कि भवषियवक्ता अनन्द तान दयाश दा आदर आगाल्द. 45 याग आव गलील दा बंदुन, रा गलीली लॉकुर खुशी देल आऊन सांगुळ मलिसदुर; यतकी यास क्याल्सा आव यरूशलेम दा हाब्ब इन समय माळीदुन, आंदुर आ सप्पा अक नोळीदुर, यतकी आंदुर भी हाब्ब दा होगीदुर.

46 आग यीशु बाक गलील इन काना नगर दा बंदुन, यल आव नीर इक अंगुर इन रास्सा माळीदुन. अल राजा अन

☆ 4:44 ४:४४ मत्ती १३:५७; मरकुस ६:४; लूका ४:२४ ☆ 4:45 ४:४५ यूहन्ना २:२३ ☆ 4:46 ४:४६ यूहन्ना २:१-११

ऊंद कर्मचारी ईरोन यार पार कफरनहूम नगर दा बमिार ईरोन. 47 आव ईद केळकु क्कि यीशु यहूदिया टु गलील दा होट बंदान, आऊन हात्ती होदुन अदकि आऊन से ईद वनिती माळली कुरतुन क्कि नळुकु नान पार उक चंगा माळुल: यतकी आव सोत्तुर मा ईरोन. 48 यीशु आऊन से अंदुन, “यागासताका नीव चमत्कार अदकि अदभुत कयाल्सा नोळालीर आगासताका यागलु वशिवास माळतीदील.” 49 राजा अन कर्मचारी आऊन से अंदुन, “हे प्रभु, नान पार उन सायोर से पयले नळ.” 50 यीशु आऊन से अंदुन, “होग, नीन पार जत्तिता आन.” आ मळसा यीशु उन अंद मात इन भरोसा माळदुन अदकि ओळ्दुन. 51 आव हादी मा का ईरोन क्कि आऊन दास आऊन से बंदकु सकिदुर अदकि अनली कुरतुर, “नीन पार जत्तिता आन.” 52 आव आंदुर से केळदुन, “याता घळी आव वळ्लेव आगली कुरतुन?” आंदुर आऊन से अंदुर, “नाळ सातवा तास दा आऊन मय ईळदव.” 53 आग आप्प जान्स कोंडुन क्कि ईद अदा घळी आत याता घळी यीशु आऊन से अंदुन, “नीन पार जत्तिता आन,” अदकि आव अदकि आऊन सप्पा परवार वशिवास माळदुर. 54 ईद दुसरा आश्चर्यकर्म ईरोद जो यीशु यहूदिया टु गलील दा बंदकु तोरसदुन.

5

अळतीस वर्ष इन रोगी अक चंगा माळोद

1 ई मातगोळ बाददा यहूदीगोळ्द ऊंद हाब्ब आत, अदकि यीशु यरूशलेम इक होदुन. 2 यरूशलेम दा भेंट-फाटक इन हात्ती ऊंद कुण्ड आद जो इब्रानी भाषा बैतसैदा कहलुसतद; अदुर अईद छपर्या आव. 3 इऊर दा हापाळ सा बमिार, कुदढ, लंगळा अदकि लकवा अन रोगी लॉकुर बदिक्कु ईरतोगोर. 4 यतकी नविळुसुद समय मा परमेश्वर उन स्वर्गदूत कुण्ड दा ईळुकु नीर इक

हालुसतोगोर. नीर हालुसतेला अच जो यावारा पयले ईळुतोगोन आव चंगा आगेग तोगोन बाक आऊक यातोदारा बमिारी येती आगबाळुल. ⁵ अल ऊंद मंळसा ईरोन, जो अळतीस वर्ष टु बमिारी देल बदिक् ईरोन. ⁶ यीशु आऊक बदिक् नोळकु अदकि ईद जान्सकु की आव हापाळ दनि टु ई दशा दा बदिक् आन, आऊन से केळदुन, “येन नी चंगा आगेद चाहासत्या?” ⁷ आ बमिार मंळसा आऊक उत्तर कोट्टुन, “हे प्रभु, नान हात्ती याऊ मंळसा हैलेच की जो नीर हालुस्कु आगुल, रा नानी कुण्ड दा ईळस्यान; लेकीन नान पोहचुस ताका यावारा दुसरा नान से पयले ईळदोगतान.” ⁸ यीशु आऊन से अंदुन, “येळ, तान व्हर्स नेगु, नळु अदकि वयाळ.” ⁹ आव मंळसा तुरन्त चंगा आगेदुन, अदकि तान व्हर्स नेगुकु नळुली कुरतुन.

¹⁰ अद आराम इन दनि ईरोद. इदुरसाटी यहूदी आऊन से जो चंगा आगेदुन, अनली कुरतुर, “ईद रा आराम इन दनि आद, नीनी व्हर्स नेगेद उचति हैलेच.” ¹¹ आव आंदरी उत्तर कोट्टुन, “याव नानी चंगा माळदुन, आवा नान से अंदुन, ‘तान व्हर्स नेगु, नळु अदकि वयाळ.’” ¹² आंदुर आऊन से केळदुर, “आव याव मंळसा हुन याव नीन से अंदुन, ‘व्हर्स नेगु, नळु अदकि वयाळ.’” ¹³ लेकीन जो चंगा आगेगदिन आव ईला जानसोन की आव याव हुन, यतकी आ जागा दा भीळ इन कारण यीशु अल टु हटसेगदिन. ¹⁴ ई मातगोळ बाद्दा आव यीशु अक मंदरि दा सकिदुन. यीशु आऊन से अंदुन, “नोळ, नी चंगा आगेग्याः मात्त पाप माळबाळेत, हगि आगबाळुल की इदुर देल यातोदारा भारी परेशानी नीन मा बंदकु बळिल.” ¹⁵ आ मंळसा होगकु यहूदी लाँकुर से अंद बुटुन की याव नानी चंगा माळदुन आव यीशु हुन. ¹⁶ ईद कारण यहूदी यीशु अक सतुस्ली कुरतुर, यतकी आव ईत्ता क्याल्सा आराम इन दशी माळतोगोन. ¹⁷ इदुर मा यीशु आंदुर से अंदुन, “नान आप्प ईगासताका क्याल्सा माळतान, अदकि

ना भी क्याल्सा माळतीन.” 18 ईद कारण यहूदी अदकि भी यक्कुल आऊक कोंद बुळोद कोशशि माळली कुरतुर, यतकी आव ना सर्फि आराम इन दनि इन वधी अक मुरोन, लेकीन परमेश्वर उक तान आप्प अंदकु तान तान इक परमेश्वर उन घाई भी ठहरूसतोगोन.

पार उन अधिकार

19 इदुर मा यीशु आंदुर से अंदुन, “ना नीम से खरा खरा अनतीन, पार खुद देल येनु माळ सकालुन, सर्फि आव जो आप्प उक माळत नोळतान; यतकी याता याता क्याल्सागोळी आव माळतान अवरी पार भी अदा रीत दिेल माळतान. 20 यतकी आप्प पार उन से प्यार ईटतान अदकि जो जो क्याल्सा आव खुद माळतान, आव सप्पा आऊक तोरसतान; अदकि आव इऊर से भी धोड्डेव क्याल्सा आऊक तोरसतान, ताकी नीव अचम्भा माळीर. 21 ह्यांग आप्प सोत्तुरी नेगुतान अदकि जत्तिता माळतान, हांग अच पार भी यारी चाहासतान आंदरी जत्तिता माळतान. 22 आप्प यारदु न्याय माळालुन, लेकीन न्याय माळोद सप्पा क्याल्सा पार उक कोट्ट बुटुन, 23 कसिप्पा लॉकुर ह्यांग आप्प उन आदर माळतार हांग अच पार उन भी आदर माळुल. जो पार आदर माळालुन, आव आप्प उन यारी आव कळ्यान, आदर माळालुन. 24 ना नीम से खरा खरा अनतीन, जो नान वचन केळकु नान कळावाळा मा वशिवास माळतान, अनन्त जीवन आऊद हुन; अदकि आऊन मा दण्ड इन आग्या आगाल्द लेकीन आव मृत्यु टु आप्पाटी आगकु जीवन दा प्रवेश माळ कोंडान.

25 “ना नीम से खरा खरा अनतीन अद समय बरतद, अदकि ईग आद, यारदा सायावाळेर परमेश्वर उन पार उन आवाज केळ्यार, अदकि जो केळ्यार आंदुर जत्तिता ईत्तार. 26 यतकी याता रीत दिेल आप्प तान तान दा जीवन ईटतान, अदा रीत दिेल आव पार उक भी ईद अधिकार कोटान कति तान तान दा जीवन ईटुल;

27 लेकीन आऊक न्याय माळोद भी अधिकार कोटान, इदुरसाटी क्वाव मंळसा अन पार हुन. 28 इदुर देल अचम्भा माळवाळी; यतकी अद समय बरतद क्वायास कब्रगोळ दा आर आंदुर आऊन आवाज केळकु व्हार्या होटकु बंदार. 29 यार वळ्लीद माळ्यार आंदुर जीवन इन पुनरूत्थान इन साटी जत्तिता आदार अदकि यार बुराई माळ्यार आंदुर दण्ड इन पुनरूत्थान इन साटी जत्तिता आदार.

यीशु अन बारा दा गवाही

30 “ना तान तान देल येनु माळ सकालीन; ह्यांग केळतीन, हांगा न्याय माळतीन; अदकि नान न्याय खरा आद, यतकी ना तान इच्छा देल ईला लेकीन तान कळावाळा अनूद इच्छा चाहासतीन. 31 अगर ना खुद अच तान गवाही कोळाईन, रा नान गवाही खरा हैलेच. 32 दुसरा अदकि आन जो नान गवाही कोळतान, अदकि ना जानूसतीन क्वा नान जो गवाही आव कोळतान, अद खरा आद. 33 *नीव यूहन्ना से केळसुसदीर अदकि आव सच्चाई इन गवाही कोट्टुन. 34 लेकीन ना तान बारा दा मंळसा अन गवाही चाहासालीन; तरी ना ई मातगोळी इदुरसाटी अनतीन क्वा नीमी उद्धार सक्कुल. 35 आव रा होततेला अदकि चमकुसतेला दगिया ईरोन, अदकि नीमी येनारा समय ताका आऊन ज्योती दा मग्न आगोद वळ्लीद हत. 36 लेकीन नान हात्ती जो गवाही आद अद यूहन्ना अन गवाही देल धोळ्द आद; यतकी जो क्वाल्सा आप्प नानी पुरा माळोर साटी कोटान मतलब ईदा क्वाल्सा जो ना माळतीन, अव नान गवाह आव क्वा आप्प नानी कळ्यान. 37 *अदकि आप्प याव नानी कळ्यान, आवा नान गवाही कोटान. नीव ना यागल्यारा आऊंद आवाज केळदीर, अदकि ना आऊंद रूप नोळदीर; 38 अदकि आऊन वचन इक मन दा जमा ईटालीर, यतकी आव यारी कळ्यान नीव

☆ 5:33 ५:३३ यूहन्ना १:१९-२७; ३:२७-३० ☆ 5:37 ५:३७ मत्ती ३:१७; मरकुस १:११; लूका ३:२२

आऊंद वश्वास माळालीर. 39 नीव पवतिरशास्त्र दा ढुंढसतीर, यतकी सम्सतीर कि अदुरदा अनन्त जीवन नीमी सकितद; अदकि ईव आवा हुन जो नान गवाही कोळतान; 40 तरी भी नीव जीवन साटी नान हात्ती बरोद चाहासालीर. 41 ना मळसागोळ से आदर चाहासालीन. 42 लेकीन ना नीमी जान्सतीन किनीम दा परमेश्वर उन प्यार हैलेच. 43 ना तान आप्प उन हेसुर देल बंदीन, अदकि नीव नानी ग्रहण माळालीर; अगर दुसरा यावारा तांद अच हेसुर देल बंदान, रा आऊक ग्रहण माळ कोंडीर. 44 नीव जो आबुर दाबुर से आदर चाहासतीर अदकि अद आदर जो ऊंद मात्र परमेश्वर उन दी टु आद, चाहासालीर, याता प्रकार वश्वास माळ सकतीर? 45 ईद सम्सबाळी कि ना आप्प उन मुंद नीम मा दोष हचाईन; नीम मा दोष हचावाळा रा मूसा हुन, यार मा नीव भरोसा ईटीर. 46 यतकी अगर नीव मूसा अन वश्वास माळायदीर, रा नान भी वश्वास माळायदीर, इदुरसाटी कि आव नान बारा दा लखिस्यान. 47 लेकीन अगर नीव आऊन लखिसद मातगोळ मा वश्वास माळालीर, रा नान मातगोळ मा ह्यांग वश्वास माळीर?”

6

अईद हजार मळसागोळी तनिसोद

(मत्ती १४:१३-२१; मरकुस ६:३०-४४; लूका ९:१०-१७)

1 ई मातगोळ्द बाददा यीशु गलील इन झील* मतलब तबिरियास इन झील इन आप्पाटी होदुन. 2 अदकि ऊंद धोळ्द भीळ आऊन हदि आगेत यतकी जो आश्चर्यकर्म आव बमारगोळ मा तोरसतोगोन आंदुर अवरी नोळतोगोर. 3 आग यीशु पहाळी मा येरकु तान चेलागोळ सांगुळ अल कुरतोदुन. 4 यहूदीगोळ्द फसह अन हाब्ब हात्ती ईरोद. 5 याग यीशु

* 6:1 ६:१ झील इन मतलब धोळ क्यार्रा हुन

तान कण्णगोळी नेगुकु ऊंद धोळ्द भीळ इक तान हात्ती बरत नोळ्दुन, रा फलिप्पुस से अंदुन, “नाव इंदुर भोजन इन साटी यल टु रोट्टी कोंडकु तंदेव?” ⁶ आव ईद मात आऊक परखुसोर साटी अंदुन, यतकी आव खुद जानसोन कि आव येन माळ्यान. ⁷ फलिप्पुस आऊक उत्तर कोट्टुन, “येद्व सौ दीनार इन रोट्टी भी आंदुर साटी पुरा आगतीदील कि आंदुर दा टु हर ऊंद इक थ्वाळा-थ्वाळा सक्किगुल.” ⁸ आऊन चेलागोळ दा टु शमौन पतरस उन वारट अनर्दरियास आऊन से अंदुन, ⁹ “ईल ऊंद पार आन यार हात्ती जवारी इन अईद रोट्टी अदकि येद्व मेनगोळ आव; लेकीन ईस लॉकुर साटी अव येन आव?” ¹⁰ यीशु अंदुन, “लॉकुरी कुरस बुळी.” आ जागा दा हापाळ काड्डा ईरोद: आग लॉकुर यारदा गळ्सुरद संख्या लगभग अईद हजार इन ईरोद, कुरतोदुर. ¹¹ आग यीशु रोट्टीगोळी हुळ्दुन, अदकि धन्यवाद माळकु कुरावाळेर इक वाट्स बुटुन; अदकि हांग अच मेनगोळ दा टु यास आंदुर चाहासोर वाट्स बुटुन. ¹² याग आंदुर तनिकु संतुष्ट आगेदुर रा आव तान चेलागोळ से अंदुन, “मक्कि तुकळागोळी जमा माळबुळी कि येनु भट्टिकु आगवाळुल.” ¹³ इदुरसाटी आंदुर जमा माळदुर, अदकि जवारी इन अईद रोट्टीगोळ तुकळागोळ से जो तनिवाळेर ऊळोर, हन्नेळ फुट्टी तुमदव. ¹⁴ आग जो आश्चर्यकर्म आव माळकु तोरसदुन अदरी आ लॉकुर नोळकु अनली कुरतुर, “आव भवषियवक्ता जो दुनया दा बरावाळा ईरोन नश्चय ईवा हुन.” ¹⁵ यीशु ईद जान्सकु कि आंदुर नानी राजा माळोर साटी हुडोद चाहासतार, बाक पहाळी मा आबना ओळ्दुन.

यीशु उन नीर मा नळोद

(मत्ती १४:२२-३३; मरकुस ६:४५-५२)

¹⁶ याग द्याव मुळकत, रा यीशु उन चेलागोळ झील इन कनिरा मा होदुर, ¹⁷ अदकि ड्वांगा मा येरकु झील इन आप्पाटी

कफरनहूम इक होगली कुरतुर. आ समय अंधार आगोगीत, अदकि यीशु ईगासताका आंदुर हात्ती ईला बंदीदुन. 18 आँधी अन कारण झील दा लयरगोळ येळली कुरतव. 19 याग आंदुर केई केई अईद-आर कोस इन लगभग होटोदुर, रा आंदुर यीशु उक झील मा नळुत अदकि ड्वांगा अन हात्ती बर्त नोळदुर, अदकि अंजेदुर. 20 लेकीन आव आंदुर से अंदुन, “ना हुईन; अंजवाळी.” 21 इदुरसाटी आंदुर आऊक ड्वांगा मा येरसोर साटी तयार आदुर अदकि तुरन्त अद ड्वांगा आ जागा मा पोहचुसेत यल आंदुर होगोर.

लॉकुरद यीशु उक दुंदसोद

22 दुसरा दशी आ भीळ, जो झील इन आप्पाटी नदिरकु ईरोद, ईद नोळदुर कि ईल ऊंद इक बटिकु अदकि यातोदु ड्वांगा ईला ईरोद; अदकि यीशु तान चेलागोळ सांगुळ आ ड्वांगा मा ईला येरीदुन, लेकीन सरिफ आऊन चेलागोळ अच होगीदुर. 23 आग हापाळ ड्वांगागोळ तबिरियीस टु आ जागा अन हात्ती बंदव, यल आंदुर परभु उक धन्यवाद माळदुर बाददा रोटी तीदीदुर. 24 इदुरसाटी याग भीळ नोळत कि ईल ना यीशु आन अदकि ना आऊन चेलागोळ, रा आंदुर भी ड्वांगागोळ मा येरकु यीशु उक दुंदसतेला कफरनहूम पोहचुसदुर.

यीशु जीवन इन रोटी

25 झील इन आप्पाटी याग लॉकुरद भीळ यीशु से सकिदुर रा अंदुर, “हे गुरु, नी ईल याग बंद?” 26 यीशु आंदरी उत्तर कोट्टुन, “ना नीम से खरा खरा अनतीन, नीव नानी इदुरसाटी दुंदसालीर कि नीव आश्चर्यकर्म नोळदीर, लेकीन इदुरसाटी कि नीव रोटीगोळी तनिकु संतुष्ट आदीर. 27 नाशवान भोजन इन साटी मेहनत माळवाळी, लेकीन आ भोजन इन साटी जो अनन्त जीवन ताका ठहूसतद, यारी मळसा अन पार नीमी कोट्टान; यतकी आप्प मतलब परमेश्वर अदुर मा छाप हच्यान.” 28 आंदुर

आऊन से अंदुर, “परमेश्वर उन क्याल्सा माळोर साटी नाव येन माळेव?” 29 यीशु आंदरी उत्तर कोट्टुन, “परमेश्वर उन क्याल्सा ईद आद की नीव आऊन मा वशिवास माळी, यारी आव कळयान.” 30 आग आंदुर आऊन से अंदुर, “बाक नी यातोद चमत्कार तोरसत्या कनिाव अदरी नोळकु नीन वशिवास माळेव? नी यातोद क्याल्सा तोरसत्या?” 31 नाम आप्प दादागोळ आळी दा मनना तदुरि; ह्यांग लखिसकु आद, “आव आंदरी तनोर साटी स्वर्ग टु रोट्टी कोट्टुन.” 32 यीशु आंदुर से अंदुन, “ना नीम से खरा खरा अनतीन की मूसा नीमी अद रोट्टी स्वर्ग टु कोटीदील, लेकीन नान आप्प नीमी खरा रोट्टी स्वर्ग टु कोळतान. 33 यतकी परमेश्वर उन रोट्टी अदा हुन जो स्वर्ग टु ईळुकु दुनयिा अक जीवन कोळतद.” 34 आग आंदुर आऊन से अंदुर, “हे प्रभु, ईद रोट्टी नामी हमेशा कोळतेला ईर.”

35 यीशु आंदुर से अंदुन, “जीवन इन रोट्टी ना हुईन: जो नान हात्ती बरतान आव यागलु उपासा ईरतीदील, अदकि जो नान मा वशिवास माळतान आव यागलु प्यासा ईरतीदील. 36 लेकीन ना नीम से अंददिीन की नीव नानी नोळ भी कोंडीर तरी वशिवास माळालीर. 37 जो येनारा आप्प नानी कोळतान अद सप्पा नान हात्ती बंदीत, अदकि जो यावारा नान हात्ती बंदान आऊक ना यागलु तेगुतदील. 38 यतकी ना तान इच्छा ईला लेकीन तान कळावाळा अन्द इच्छा पुरा माळोर साटी स्वर्ग टु ईळदीन; 39 अदकि नान कळावाळा अन इच्छा ईद आद की जो येनारा आव नानी कोटान, अदुर दा टु ना येनारा खोऊसालीन, लेकीन आऊक आखरी दशी बाक जत्तिता माळाईन. 40 यतकी नान आप्प उन इच्छा ईद आद की जो यावारा पार उक नोळुल अदकि आऊन मा वशिवास माळुल, आऊक अनन्त जीवन सक्कीत; अदकि ना आऊक आखरी दशी बाक जत्तिता माळाईन.” 41 “इदुरसाटी यहूदी लॉकुर आऊन मा कुळकुळसली हतदुर, यतकी आव अंददिन, जो रोट्टी स्वर्ग टु

ईळुत, अद ना हुईन.” 42 अदकि आंदुर अंदुर, “येन ईव यूसुफ उन पार यीशु आल्लच, यार मोय-आप्प उक नाव अरूतेव? रा आव ह्यांग अनतान कनिा स्वरुग टु ईळदीन?” 43 यीशु आंदरी उत्तर कोट्टुन, आपस दा कुळकुळुसबाळी. 44 याऊ नान हात्ती बर सकालुन यागासताका आप्प, याव नानी कळ्यान, आऊक जेडु कोमालुन; अदकि ना आऊक आखरी दशी बाक जत्तिता माळाईन. 45 भवषियवक्तागोळ्द लेखगोळ दा ईद लखिसकु आद: “†आंदुर सप्पा परमेश्वर उन दी टु कल्सकु ईत्तार.” जो यावारा आप्प से केळ्यान अदकि कलतान, आव नान हात्ती बरतान. 46 ईद ईला क्नि यावारा आप्प उक नोळ्यान; लेकीन जो परमेश्वर उन दी टु आन, सर्फि आवा आप्प उक नोळ्यान. 47 “ना नीम से खरा खरा अनतीन क्नि जो यावारा वशिवास माळतान, अनन्त जीवन आऊंदा हुन. 48 जीवन इन रोट्टी ना हुईन. 49 नीम आप्प दादागोळ आळी दा मनना तदिर लेकीन आंदुर सोतोदुर. 50 लेकीन ईद अद रोट्टी हुन जो स्वरुग टु ईळुतद ताकी मंळसा अदरी तनिल अदकि सायबाळुल. 51 जीवन इन रोट्टी जो स्वरुग टु ईळुत, ना हुईन. अगर यावारा ईद रोट्टी दा टु तदान, रा सदा जत्तिता ईत्तान; अदकि जो रोट्टी ना दुनया अक जत्तिता ईरोरसाटी कोळाईन, अद नान मय हुन.”

52 इदुर मा यहूदी ईद अनकु आपस दा झगळा माळली कुरतुर, “ईव मंळसा ह्यांग नामी तान मय तनिली कोळ सकतान?” 53 यीशु आंदुर से अंदुन, “ना नीम से खरा खरा अनतीन क्नि यागासताका नीव मंळसा अन पार उन मय तनिली, अदकि आऊन खुन कुडालीर, नीम दा जीवन हैलेच. 54 जो नान मास तनितान अदकि नान खुन कुडुतान, अनन्त जीवन आऊंदा आद; अदकि ना आऊक आखरी दशी बाक जत्तिता माळाईन. 55 यतकी नान मास सही दा तनोद चजि हुन, अदकि नान खुन

† 6:45 ६:४५ यशायाह ५४:१३

सही दा कुडोद चजि हुन. 56 जो नान मास तनितान अदकि नान खुन कुडुतान आव नान दा संची बन्सकु ईरतान, अदकि ना आऊन दा. 57 ह्यांग जत्तिता आप्प नानी कळयान, अदकि ना आप्प उन कारण जत्तिता आईन, हांगा आव भी जो नानी तदिान नान कारण जत्तिता ईत्तान. 58 जो रोट्टी स्वरुग टु ईळुत अदा हुन, आ रोट्टी अन घाई यारी आप्प दादागोळ तदिर अदकि सोतोदुर; जो यावारा ईद रोट्टी तदिान, आव सदा जत्तिता ईत्तान.” 59 ई मातगोळी आव कफरनहूम इन ऊंद यहूदी लॉकुरद सभागृह दा उपदेश कोळाहोती अंदुन.

अनन्त जीवन इन वचन

60 यीशु उन चेलागोळ दा टु हापाळ मुंदुर ईद केळकु अंदुर, “ईद कठोर मात आद; इदरी याव केळ सकतान?” 61 यीशु तान मन दा ईद जान्सकु क्नि नान चेलागोळ आपस दा ईद मात मा कुळकुळुसतार, आंदुर से केळदुन, “येन ईद मात देल नीमी ठोकर हततद? 62 अगर नीव मळसा अन पार उक येल आव पयले ईरोन, अल म्याकुच होग्त नोळीर, रा येन आदीत? 63 आत्मा रा जीवनदायक आद, मय देल येनु लाभ हैलेच; जो मातगोळी ना नीम से अंदीन अव आत्मा हु, अदकि जीवन भी हुन. 64 लेकीन नीम दा टु येनारा हगि आर जो वश्वास माळालुर.” यतकी यीशु पयले टु अच जानसोन क्नि जो वश्वास माळालुर, आंदुर यार उर; अदकि याव नानी हुळसुस्यान. 65 अदकि आव अंदुन, “इदुरदा साटी ना नीम से अंदीन क्नि यागासताका यारीकारा आप्प उन दी टु ईद वरदान कोटक आगाल्द आगासताका आव नान हात्ती बर सकालुन.”

66 इदुर मा आऊन चेलागोळ दा टु हापाळ मुंदुर वापस आगेदुर अदकि अदुर बाददा आऊन सांगुळ होगीदील. 67 आग यीशु आ हन्नेळ चेलागोळी अंदुन, “येन नीव भी होगोद चाहासतीर?”

68 *शमौन पतरस आऊक उत्तर कोट्टुन, “हे परभु, नाव यार हाती होदेव? अनन्त जीवन इन मातगोळ रा नींद अच हाती आव; 69 अदकि नाव वश्वास माळदेव अदकि जान्स कोंडेव कि परमेश्वर उन पवतिर जन नीना हुय.” 70 यीशु आंदरी उत्तर कोट्टुन, “येन ना नीव हन्नेळ मुंदरी नीवळुसीदील? तरी नीम दा टु ऊंद मळसा शैतान आन.” 71 ईद आव शमौन इस्करियोती इन पार यहूदा अन बारा दा अंददिन, यतकी आवा जो हन्नेळ चेलागोळ दा टु ऊंद ईरोन, आऊक हुळसुसोद ईरोद.

7

यीशु अदकि आऊन वारटुर

1 ई मातगोळ्द बाददा यीशु गलील दा टेटाळतेला ईत्तुन; यतकी यहूदी लॉकुर आऊक कोंद बुळोद कोशशि माळार, इदुरसाटी आव यहूदिया दा टेटाळोद ईला चाहासोन. 2 यहूदीगोळ्द झोपळीगोळ्द हाब्ब* हात्ती ईरोद. 3 इदुरसाटी आऊन वारटुर आऊन से अंदुर, “ईल टु यहूदिया अक होग, कि जो क्याल्सा नी माळत्या अवरी नीन चेलागोळ अल भी नोळुल. 4 यतकी हगि याऊ ईला ईतीदान जो प्रसदिध आगोद चाहासुल, अदकि होचकु क्याल्सा माळुल. अगर नी क्याल्सा माळत्या, रा तान तान इक दुनया मा प्रगट माळ.” 5 यतकी आऊन वारटुर भी आऊन मा वश्वास ईला माळतोगोर. 6 आग यीशु आंदुर से अंदुन, “नान समय ईगासताका बंदर्दिल, लेकीन नीम साटी सप्पा समय आद. 7 दुनया नीम से दुश्मनी माळ सकाल, लेकीन अद नान से दुश्मनी माळतद यतकी ना अदुर वरिध दा ईद गवाही कोळतीन कि अदुर क्याल्सा बुरा आद. 8 नीव हाब्ब दा होगी; ना ईगल्या ईद हाब्ब दा होगालीन,

* 6:68 ६:६८ मत्ती १६:३६; मरकुस ८:२९; लूका ९:२०

* 7:2 ७:२ हाब्ब इन

मतलब त्थौहार

यतकी ईगासताका नान समय पुरा आगीदील.” 9 आव आंदुर से ई मातगोळी अनकु गलील दा अच ईतोदुन.

झोपळीगोळ्द हाब्ब दा यीशु

10 लेकीन याग आऊन वार्दुर हाब्ब दा वोळ्दुर रा आव खुद भी, प्रगट दा ईला लेकीन मान्सी गुप्त रूप देल होदुन.

11 यहूदी हाब्ब दा आऊक ईद अनकु दुंदूसली कुरतुर, “आव यल आन?” 12 अदकि लॉकुर दा आऊन बारा दा सुंगा मुंगा हापाळ सा मातगोळ आदव: यारारा अनतोगोर, “आव वळ्लेव मंळसा आन.” अदकि यारारा अनतोगोर, “ईला, आव लॉकुरी भरमुसतान.” 13 तरी यहूदीगोळ्द अंजूक इन कारण याऊ मंळसा आऊन बारा दा खुल्सकु ईला माताळोन.

14 याग हाब्ब इन आर्धा दनि बतिसेदव; रा यीशु मंदरि दा होगकु उपदेश माळली कुरतुन. 15 आग यहूदीगोळ चकति आगकु अंदुर, “ईऊक बनि वाचुस्द अककल ह्यांग होटबत?” 16 यीशु आंदरी उत्तर कोट्टुन, “नान उपदेश नांद ईला, लेकीन नान कळावाळा अन हुन. 17 अगर यावारा आऊन इच्छा मा नळोद चाहासतान, रा आव ईद उपदेश इन बारा दा जान्स कोंडान कि ईद परमेश्वर उन दी टु हुन या तान दी टु अनतीन. 18 जो तान दी टु येनारा अनतान, आव तांद अच बळाई चाहासतान; लेकीन जो तान कळावाळा अन बळाई चाहासतान आवा खरा आन, अदकि अदुर दा अन्याय ईला. 19 येन मूसा नीमी व्यवस्था कोटीदील? तरी नीम दा टु याऊ व्यवस्था मा नळालुन. नीव येती नानी कोंद बुळोद चाहासतीर?” 20 लॉकुर उत्तर कोट्टुर, “नीन दा दुष्टआत्मा आद! याव नीनी कोंद बुळोद चाहासतान?” 21 यीशु आंदरी उत्तर कोट्टुन, “ना ऊंद कयाल्सा माळदीन, अदकि नीव सप्पा आश्चर्य माळतीर. 22 ईदा कारण मूसा नीमी खतना अन आग्या कोटान ईद ईला कि अद मूसा अन दी टु आद लेकीन आप्प दादागोळ टु नळुत बंदाद, अदकि नीव आराम इन दनि मंळसा

अन खतना माळतीर. 23 ✨याग आराम इन दनि मंळसा अन खतना माळकु आगतद ताकी मूसा अन व्यवस्था अन आग्या टलुस बाळुल, रा नीव नान मा येती इदुरसाटी सट्टि माळतीर कनि ना आराम इन दनि ऊंद मंळसा अक पुरा रीर्ता देल चंगा माळदीन. 24 बाय नोळ्द न्याय माळबाळी, लेकीन ठीक ठीक न्याय माळी.”

येन यीशु अच मसीह हुन?

25 आग येनारा यरूशलेम इन लॉकुर अनली कुरतुर, “येन ईव आवा आल्लच यारी कोंद बुळोद कोशशि माळकु आगेत्याद? 26 लेकीन नोळी, आव रा मसीहगोळ घाई खुल्लम खुल्ला मातगोळी माळतान अदकि याऊ सरदार आऊन से येनु अनालुर. 27 ईऊक रा नाव जान्सतेव कि ईव येलेव हुन; लेकीन मसीह याग बंदान रा याऊ जान्सतीदील कि आव येलेव हुन.” 28 आग यीशु मंदरि दा उपदेश कोळतेला कारूकु अंदुन, “नीव नानी जान्सतीर, अदकि ईद भी जान्सतीर कि ना येलेव हुईन. ना रा खुद देल बंददील, लेकीन नानी कळावाळा खरा आन, आऊक नीव जान्सालीर. 29 ना आऊक जान्सतीन यतकी ना आऊन दी टु आईन अदकि आवा नानी कळ्यान.” 30 इदुर मा आंदुर आऊक हुडोद चाहासदुर, तरी याऊ आऊन मा कय हाकदील यतकी आऊन सही समय ईगासताका बरली का ईरोद. 31 तरी भी भीळ दा टु हापाळ सा लॉकुर आऊन मा वशिवास माळदुर, अदकि अनली कुरतुर, “मसीह याग बंदान रा येन इदुर से यक्कुल आश्चर्यकर्म तोरस्यान जो ईव तोरसदुन?”

यीशु उक हुडोद कोशशि

32 फरीसीगोळ लॉकुरी यीशु उन बारा दा ई मातगोळ सुंगा मुंगा अंत केळदुर; अदकि प्रधान याजकगोळ अदकि फरीसीगोळ आऊक हुडोर साटी सपिाही कळुदुर. 33 इदुर मा

यीशु अंदुन, “ना थ्वाळासा समय ताका अदकि नीम सांगुळ आईन, आग तान कळावाळा अन हात्ती होटोगाईन. ³⁴ नीव नानी ढुंढसीर, लेकीन नीमी सकितीदील; अदकि येल ना आईन, अल नीव बर सकालीर.”

³⁵ इदुर मा यहूदीगोळ आपस दा अंदुर, “ईव येल होदान कि नामी सकितीदील? येन ईव आंदुर हात्ती होदान जो ग्रीकगोळ दा ततिर-बतिर आगकु ईरतार, अदकि ग्रीकगोळी भी उपदेश कोट्टान? ³⁶ ईद येन मात आद जो आव अंदुन, कि ‘नीव नानी ढुंढसीर, लेकीन सकितीदील; अदकि येल ना आईन, अल नीव बर सकालीर.’ ”

जीवन नीर इन गांगा

³⁷ हाब्व इन आखरी दशिी, जो मुख्य दनि आद, यीशु नदिरदुन अदकि कारूकु अंदुन, “अगर यावारा प्यासा आन रा नान हात्ती बरूल अदकि कुडुल. ³⁸ जो नान मा वशिवास माळ्यान, ह्यांग पवतिरशास्त्र दा बंदाद, ‘आऊन दलि दा टु जीवन इन नीर इन गांगा वाहुसकु होट्टीत.’ ” ³⁹ आव ईद वचन पवतिर आत्मा अन बारा दा अंदुन, यारी आऊन मा वशिवास माळावाळेरी सकिकोद ईरोद; यतकी आत्मा ईगासताका ईला ईळदीत, यतकी यीशु ईगासताका तान महमिा अक ईला पोहचुसीदुन.

लॉकुर दा भेदभाव

⁴⁰ आग भीळ दा टु यारारा यारारा ई मातगोळी केळकु अंदुर, “सही दा ईवा आव भवषियवक्ता हुन.” ⁴¹ दुसरागोळ अंदुर, “ईव मसीह हुन.” लेकीन येनारा लॉकुर अंदुर, “थेती? येन मसीह गलील टु बंदान? ⁴² येन पवतिरशास्त्र दा ईद बंददील कि मसीह दाऊद इन वंश टु अदकि बैतलहम ऊर टु बंदान, यल दाऊद ईरतान?” ⁴³ इदुरसाटी आऊन कारण लॉकुर दा फूट बत्तित. ⁴⁴ आंदुर दा टु यारारा आऊक हुडोद चाहासोर, लेकीन याऊ आऊन मा कय हाकीदील.

यहूदी अधकारीगोळ्द अवश्वास

45 आग सपिाही प्रधान याजक अदकि फरीसीगोळ हात्ती वापस बंदुर; आंदुर सपिाहीगोळ से अंदुर, “नीव आऊक येती तंददील?” 46 सपिाहीगोळ उत्तर कोट्टुर, “यावारा मळसा यागलु हगि मातगोळी माळीदील.” 47 फरीसीगोळ आंदरी उत्तर कोट्टुर, “येन नीव भी भरमुसकु आगीर? 48 येन सरदारगोळ या फरीसीगोळ दा टु यारारा आऊन मा वश्वास माळ्यार? 49 लेकीन ई लॉकुर जो व्यवस्था जान्सालुर, शापति आर.” 50 *नीकुदेमुस, जो पयले आऊन हात्ती बंदीदुन अदकि आंदुर दा टु ऊंद ईरोन, आंदुर से अंदुन, 51 “येन नाम व्यवस्था यावारा मळसा अक, यागासताका पयले आऊंद केळकु जान्स कोमालुर कि आव येन माळतान, दोषी ठहरूसतार?” 52 आंदुर आऊक उत्तर कोट्टुर, “येन नी भी गलील इन हुय? दुंदूस अदकि नोळ कि गलील टु यावारा भवषियवक्ता प्रगट ईला आगोद.” 53 आग सप्पा लॉकुर तान तान मान्नी वोळ्दुर.

8

व्यभचारिणी इक माफ

1 लेकीन यीशु जैतून इन पहाळी मा होदुन. 2 व्हातर्या आव मात्त मंदरि दा बंदुन; सप्पा लॉकुर आऊन हात्ती बंदुर अदकि आव कुर्तकु आंदरी उपदेश कोळली कुरतुन. 3 आग शास्त्री अदकि फरीसी ऊंद आरत इक तंदुर जो व्यभचारि दा हुळकु आगीदुर, अदकि आकी बीच दा नदिरूसकु यीशु से अंदुर, 4 “हे गुरु, ई आरत व्यभचारि माळ्त हुळकु आदुर. 5 व्यवस्था दा मूसा नामी आग्या कोटान कि हगि आरतेर मा पथराव माळुल. इदुरसाटी नी ई आरत इन बारा दा येन अनत्या?” 6 आंदुर आऊक परखुसोर साटी ईद मात अंदुर ताकी आऊन मा दोष हचोर साटी

येनारा मात सकिकुल. लेकीन यीशु बांगकु बेळ्ल देल जागा मा लखिसली कुरतुन. ⁷ याग आंदुर आऊन से केळतेला अच ईत्तुर, रा आव सधा नदिरकु आंदुर से अंदुन, “नीम दा जो नषिपाप आन, आवा पयले आकी कल्ल होळदान.” ⁸ अदकि बाक बांगकु जागा मा बेळ्ल देल लखिसली कुरतुन. ⁹ लेकीन आंदुर ईद केळकु धोड्डेर टु हुळकु स्याणेर ताका, ऊंद ऊंद माळकु होट्ट बुटुर, अदकि यीशु आबना ईतोदुन, अदकि आर्त अल्या बीच दा नदिरकु ईतोदुर. ¹⁰ यीशु सरका आगकु आकनि से अंदुन, “हे आर्त, आंदुर येल होदुर? येन यारारा दण्ड इन आग्या कोटीदील?” ¹¹ आक अंदुर, “हे प्रभु, याऊ ईला.” यीशु अंदुन “ना भी नीनी दण्ड इन आग्या कोळालीन; होग, अदकि बाक पाप माळबाळेत.”

यीशु दुनयिया अन ज्योर्ता

¹² ✧ यीशु बाक लॉकर से अंदुन, “दुनयिया अन ज्योर्तना हुईन; जो नान हदि आगेदान आव अंधकार दा नळुतीदील; लेकीन जीवन इन ज्योर्तसिकिकीत.” ¹³ ✧ फरीसीगोळ आऊन से अंदुर, “नी तान गवाही खुद अच कोळत्या, नीन गवाही सही हैलेच.” ¹⁴ यीशु आंदरी उत्तर कोट्टुन, “भला ही ना तान गवाही खुद अच कोळतीन, तरी भी नान गवाही खरा आद, यतकी ना जानसतीन कनि ना यल टु बंदीन अदकि यल होगतीन? लेकीन नीव जान्सालीर कनि ना यल टु बरतीन या यल होगतीन. ¹⁵ नीव मय इन अनुसार न्याय माळतीर; ना यारदु न्याय माळालीन. ¹⁶ अदकि अगर ना न्याय माळार्ईन भी, रा नान न्याय खरा आद; यतकी ना आबना हैलेच, लेकीन ना हुईन, अदकि आप्प आन याव नानी कळुदुन. ¹⁷ नीम व्यवस्था दा भी लखिसकु आद कनि येढ्ढ मुंदुर गवाही मलिसकु सही आगतद; ¹⁸ ऊंद रा ना खुद तान गवाही कोळतीन, अदकि दुसरा आप्प नान गवाही कोळतान

याव नानी कळयान.” 19 आंदुर आऊन से अंदुर, “नीन आप्प यल आन?” यीशु उत्तर कोट्टुन, “ना नीव नानी जान्सायतीर, ना नान आप्प उक, अगर नानी जान्सायदीर रा नान आप्प उक भी जान्सायदीर.” 20 ई मातगोळी आव मंदरि दा उपदेश कोळतेला भंडार मान्या अंदुन, अदकि याऊ आऊक हुळदीदलि, यतकी आऊन समय ईगासताका ईला बंदीत.

तान बारा दा यीशु उन कथन

21 यीशु बाक आंदुर से अंदुन, “ना होगतीन, अदकि नीव नानी दुंढसीर अदकि तान पाप दा सोत्तीर; यल ना होगतीन, अल नीव बर सकालीर.” 22 इदुर मा यहूदीगोळ अंदुर, “येन आव तान तान इक कोंद बुटान, जो अनतान, ‘यल ना होगतीन अल नीव बर सकालीर.’” 23 आव आंदुर से अंदुन, “नीव ल्यालमा नोर हुईर, ना म्याकुच इनव हुईन; नीव दुनया नोर हुईर, ना दुनया इनव आल्लच. 24 इदुरसाटी ना नीम से अंदीन क्ति तान पापगोळ दा सोत्तीर, यतकी अगर नीव वश्वास माळतीदील क्ति ना आवा हुईन रा तान पापगोळ दा सोत्तीर.” 25 आंदुर आऊन से अंदुर, “नी याव हुय?” यीशु आंदुर से अंदुन, “आवा हुईन जो सुरूवात टु नीम से अनतेला बंदीन. 26 नीम बारा दा नानी हापाळ येनारा अनोद अदकि नर्णय माळोद आद; लेकीन नान कळावाळा खरा आन, अदकि जो ना आऊन से केळदीन अदा दुनया अक अनतीन.” 27 आंदुर ईद समसीदील क्तिनाम से आप्प उन बारा दा अनतान. 28 आग यीशु अंदुन, “याग नीव मळसा अन पार उक म्याकुच येरसीर, रा जानसीर क्तिना आवा हुईन; ना तान तान से येनु माळालीन लेकीन ह्यांग नान आप्प नानी कलस्यान हांग अच ई मातगोळी अनतीन. 29 नान कळावाळा नान सांगुळ आन; आव नानी आवना बर्टीदलि यतकी ना सदा अदा क्वालसा माळतीन यदुर देल आव प्रसनन आगतान.”

30 आव ईव मातगोळी अनतेला अच ईरोन कऱ हापाळ मुंदुर आऊन मा वऱ्शऱवास माळदुर.

सच्चाई नीमी स्वतंत्र माळीत

31 आग यीशु आ यहूदीगोळ से यार आऊन मा वऱ्शऱवास माळीदुर, अंदुन, “अगर नीव नान वचन दा बन्सकु ईत्तीर, रा सही दा नान चेलागोळ ठहूसीर. 32 नीव सही अक जानसीर, अदकऱ सही नीमी स्वतंत्र माळीत.” 33 आंदुर आऊक उत्तर कोट्टुर, “नाव रा अब्राहम उन वंश टु आयेव, अदकऱ यागलु यारदु दास आगीदील. बाक नी ह्यांग अनत्या कऱनीव स्वतंत्र आगेदीर?” 34 यीशु आंदरी उत्तर कोट्टुन, “ना नीम से खरा खरा अनतीन कऱ जो यावारा पाप माळतान आव पाप इन दास आन. 35 दास सदा मान्या ईरालुन; पार सदा ईरतान. 36 इदुरसाटी अगर पार नीमी स्वतंत्र माळ्यान, रा सचमुच नीव स्वतंत्र आगेदीर. 37 ना जानसतीन कऱनीव अब्राहम उन वंश टु आईर; तरी नान वचन नीम दलि दा जागा हुडाल्द, इदुरसाटी नीव नानी कौद बुळोद चाहासतीर. 38 ना अदा अनतीन, जो तान आप्प उन मान्या नोळदीन; अदकऱ नीव अदा माळतेला ईरतीर जो नीव तान आप्प उन से केळदीर.” 39 आंदुर आऊक उत्तर कोट्टुर, “नाम आप्प रा अब्राहम हुन.” यीशु आंदुर से अंदुन, “अगर नीव अब्राहम उन औलाद आगयदीर, रा अब्राहम उन घाई क्वाल्सा माळायदीर. 40 लेकीन ईग नीव नान घाई मंळसा अक कौद बुळोद चाहासतीर, याव नीमी अद सही वचन हेळदुन जो परमेश्वर से केळदेव; हगऱ रा अब्राहम ईला माळीदुन. 41 नीव तान आप्प उन घाई क्वाल्सा माळतीर.” आंदुर आऊन से अंदुर, “नाव व्यभचार देल पैदा आगीदील, नाम ऊंद आप्प आन मतलब परमेश्वर.” 42 यीशु आंदुर से अंदुन, “अगर परमेश्वर नीम आप्प ईरायदुन, रा नीव नान से प्यार ईटायदीर; यतकी ना

परमेश्वर उन दी टु बंदीन. ना खुद देल बंददील, लेकीन आवा नानी कळयान. 43 नीव नान मात येती समसालीर? इदुरसाटी कनिव नान वचन केळ सकालीर. 44 नीव तान आप्प शैतान उन दी टु आईर अदकि तान आप्प उन लालसागोळी पुरा माळोद चाहासतीर. आव रा सूरुवात टु हत्यारा आन अदकि सही मा संची ईतीदील; यतकी सही आऊन दा हैलेच. याग आव खवाटा माताळतान, रा तान स्वभाव देल अच माताळतान; यतकी आव झुठा आन अदकि झुठ इन आप्प आन. 45 लेकीन ना जो खरा माताळतीन, इदुरदा साटी नीव नांद वशिवास माळालीर. 46 नीम दा टु याव नानी पापी ठहरूसतान? अगर ना खरा माताळतीन, रा नीव नान वशिवास येती माळालीर? 47 जो परमेश्वर टु आगतान, आव परमेश्वर उन मातगोळी केळतान; अदकि नीव इदुरसाटी केळालीर कि परमेश्वर उन दी टु आल्लच.”

यीशु अदकि अब्राहम

48 ईद केळकु यहूदीगोळ यीशु से अंदुर, “येन नाव खरा अनालेव कि नी सामरी हुय, अदकि नीन दा दुष्टआत्मा आद?” 49 यीशु उत्तर कोट्टुन, “नान दा दुष्टआत्मा हैलेच; लेकीन ना तान आप्प उन आदर माळतीन, अदकि नीव नान नरिादर माळतीर. 50 लेकीन ना तान प्रतषिठा चाहासालीन; हव, ऊंद आन जो चाहासतान अदकि न्याय माळतान. 51 ना नीम से खरा खरा अनतीन कि अगर यावारा मळसा नान वचन मा नळदान, रा आव अनन्त काल ताका मृत्यु अक नोळतीदलि.” 52 यहूदीगोळ आऊन से अंदुर, “ईग नाव जान्स कोडेव कि नीन दा दुष्टआत्मा आद. अब्राहम सोतोदुन, अदकि भवषियवक्तागोळ भी सोतोग्यार; अदकि नी अनत्या, ‘अगर यावारा नान वचन मा नळदान रा आव अनन्त काल ताका मृत्यु नोळतीदलि.’ 53 नाम आप्प अब्राहम रा सोतोदुन. येन नी आऊन से धोड्डेव आय? अदकि भवषियवक्तागोळ भी

सोतोदुर. नीमी येन हततद कि नीव येन हुईर?" 54 यीशु उत्तर कोट्टुन, "अगर ना खुद तान महमि माळाईन, रा नान महमि येनु ईला; लेकीन नान महमि माळावाळा नान आप्प आन, यारी नीव अनतीर कि आव नीम परमेश्वर हुन. 55 नीव रा आऊक जानसीदील: लेकीन ना आऊक जान्सतीन. अगर ना अनाईन कि ना आऊक जान्सालीन, रा ना नीम घाई ख्वाटा ठहरूसईन; लेकीन ना आऊक जान्सतीन अदकि आऊन वचन मा नळुतीन. 56 नीम आप्प अब्राहम नान हागुल नोळोद आशा देल हापाळ मग्न ईरोन; अदकि आव नोळदुन अदकि खुश आदुन." 57 यहूदीगोळ आऊन से अंदुर, "ईगासताका नी पचास वर्ष इन हैलेच, तरी भी नी अब्राहम उक नोळ्या?" 58 यीशु आंदुर से अंदुन, "ना खरा खरा अनतीन, कि पयले इदुरद कि अब्राहम पैदा आदुन, ना आईन." 59 आग आंदुर आऊक बडोर साटी कल्ल नेगदुर, लेकीन यीशु होचकु मंदरि टु होटबुटुन.

9

जनम इन कुदुद उक कण्ण कोळोद

1 होगाहोती यीशु ऊंद मंळसा अक नोळदुन जो जनम टु कुदुद ईरोन. 2 आऊन चेलागोळ आऊन से केळदुर, "हे गुरु, याव पाप माळीदुन कि ईव कुदुद पैदा आदुन, ई मंळसा या ईऊन मोय या ईऊन आप्प?" 3 यीशु उत्तर कोट्टुन, "ना रा ईव पाप माळीदुन, ना ईऊन मोय ना आप्प; लेकीन ईद इदुरसाटी आत कि परमेश्वर उन क्याल्सा आऊन मा प्रगट आगुल. 4 याव नानी कळ्यान, नामी आऊन क्याल्सा हागुल ईरतेला अच माळोद जरूरी आद; अद ईळलक बरोद आद यदुरदा याऊ क्याल्सा माळ सकतीदलि. 5 *यागासताका ना दुनयिा दा आईन, आगासताका दुनयिा अन ज्योतर्ति आईन." 6 ईद अनकु आव जागा मा ऊगुळदुन, अदकि

✧ 9:5 १:५ मत्ती ५:१४; यूहन्ना ८:१२

आ ऊगळा देल मुण्ण इक काल्सदुन, अदकि अद मुण्ण आ कुढ्ढ उन कण्णगोळ मा हचकु 7 *आऊन से अंदुन, “होग, शीलोह अन कुण्ड दा तोळकोम” आव होगकु तोळदुन, अदकि नोळतेला वापस बंदुन. 8 आग आऊन बाजूवाळेर अदकि यार पयले आऊक भीख बेळतेला नोळीदुर, अनली कुरतुर, “येन ईव आवा आल्लच, जो कुरतकु भीख बेळतोगोन?” 9 येनारा लाँकुर अंदुर, “ईव आवा हुन,” दुसरागोळ अंदुर, “ईला, लेकीन आऊन घाई आन.” आव अंदुन, “ना आवा हुईन.” 10 आग आंदुर आऊन से केळली कुरतुर, “नीन कण्णगोळ हयांग खुलसेदव?” 11 आव उत्तर कोट्टुन, “यीशु हेसुर इन ऊंद मंळसा मुण्ण काल्सदुन, अदकि नान कण्णगोळ मा हचकु नान से अंदुन, ‘शीलोह दा होगकु तोळकोम,’ इदुरसाटी ना होदीन अदकि तोळदनि अदकि नोळली कुरतीन.” 12 आंदुर आऊन से केळदुर, “आव यल आन?” आव अंदुन, “ना जान्सालीन.”

फरीसीगोळ द्वारा चंगाई इन जाँच पळताल

13 लाँकुर आऊक जो पयले कुढ्ढ ईरोन फरीसीगोळ हात्ती ओतुर. 14 याता दशी यीशु मुण्ण काल्सकु आऊन कण्णगोळी तेरदीदुन, अद आराम इन दनि ईरोद. 15 बाक फरीसीगोळ भी आऊन से केळदुर कि आऊन कण्णगोळ याता रीति देल खुलसेदव. आव आंदुर से अंदुन, “आव नान कण्णगोळ मा मुण्ण हचदुन, बाक ना तोळु कोंडीन, अदकि ईग ना नोळ सकतीन.” 16 इदुर मा येनारा फरीसी अनली कुरतुर, “ई मंळसा परमेश्वर उन दी टु आल्लच, यतकी आव आराम इन दनि मानसालुन.” दुसरागोळ अंदुर, “पापी मंळसा हगि चमत्कार हयांग तोरस सकतान?” इदुरसाटी आंदुर दा फूट बदिोत. 17 आंदुर आ कुढ्ढ मंळसा से मात्त अंदुर, “आव नीन कण्णगोळी खोलस्यान. नी

* 9:7 ९:७ शीलोह अन मतलब “कळुकु आगोद” हुन.

आऊन बारा दा येन अनत्या?” आव अंदुन, “आव भवषियवक्ता आन.”

18 लेकीन यहूदीगोळी वशिवास आगीदील कि आव कुढ्ढ ईरोन अदकि ईग नोळतान, यागासताका आंदुर आऊन, यार्द कण्णगोळ खुलसेगीदव, आऊन मोय-आप्प उक कारूकु 19 आंदुर से केळीदील, “येन ईव नीम पार हुन, यारी नीव अनतीर कि कुढ्ढ पैदा आगीदुन? बाक ईग ह्यांग नोळतान?” 20 आऊन मोय-आप्प उत्तर कोट्टुर, “नाव रा जान्सतेव कि ईव नाम पार हुन, अदकि कुढ्ढ पैदा आगीदुन: 21 लेकीन नाव ईद जानसालेव कि ईग ह्यांग नोळतान, अदकि ना ईद जान्सतेव कि याव आऊन कण्णगोळी तेरदुन. आव स्याणा आन, आऊन से अच केळ कोमी: आव तान बारा दा खुद अंद बुटान.” 22 ईमातगोळी आऊन मोय आप्प इदुरसाटी अंदुर यतकी आंदुर यहूदीगोळ से अंजोर, यतकी यहूदी ऊंद मत आगेगीदुर कि अगर यावारा अंदान कि आव मसीह हुन, रा आव सभागृह टु तेगुकु आदान. 23 ईदा कारण आऊन मोय आप्प अंदुर, “आव स्याणा आन, आऊन से अच केळ कोमी.”

24 आग आंदुर आ मळसा अक जो कुढ्ढ ईरोन, दुसरा घन कारूकु आऊन से अंदुर, “परमेश्वर उन स्तुती माळ. नाव रा जान्सतेव कि आ मळसा पापी आन.” 25 आव उत्तर कोट्टुन, “ना जानसालीन कि आव पापी आन या हैलेच; ना ऊंद मात जान्सतीन कि ना पयले कुढ्ढ ईरीन अदकि ईग नोळतीन.” 26 आंदुर आऊन से मात अंदुर, “आव नीन सांगुळ येन माळदुन? अदकि याता प्रकार देल नीन कण्णगोळी खोलसदुन?” 27 आव आंदुर से अंदुन, “ना रा नीम से अंद कोंडीन, अदकि नीव केळीदील; ईग दुसरा घन येती केळोद चाहासतीर? येन नीव भी आऊन चेला बनसोद चाहासतीर?” 28 आग आंदुर आऊक बुरा भला अनली कुरतुर, “नी अच आऊन चेला आय, नाव रा मूसा अन चेला हुयेव. 29 नाव जान्सतेव कि परमेश्वर मूसा से

मातगोळी हेळदुन; लेकीन ई मंळसा अक जानसालेव की येलेव हुन.” 30 आव आंदरी उत्तर कोट्टुन, “ईद रा आश्चर्य अन मात आद की नीव जानसालीर की आव येलेव हुन, लेकीन आव नान कण्णगोळी खोल्स बुट्टुन. 31 नाव जानसतेव की परमेश्वर पापीगोळ्द केळालुन, लेकीन अगर यावारा परमेश्वर उन भक्त आन अदकि आऊन इच्छा मा नळुतान, रा आव आऊन केळतान. 32 दुनया अन सूरवात देल ईद यागलु केळदुर दा बंददिल की यावारा जनम इन कुढ्ढ उन कण्णगोळी खोल्सदुन. 33 अगर ईव मंळसा परमेश्वर उन दी टु ईला ईरायदुन, रा येनु भी ईला माळ सकायदुन.” 34 आंदुर आऊक उत्तर कोट्टुन, “नी रा बलिकूल पापगोळ दा पैदा आग्या, नी नामी येन कल्सत्या?” अदकि आंदुर आऊक व्हार्या तेग्द बुट्टुन.

आत्मकि कुढ्ढपन

35 यीशु केळदुन की आंदुर आऊक व्हार्या तेग्द बुट्टुन, अदकि याग आऊन से भेट आत रा अंदुन, “येन नी परमेश्वर उन पार उन मा वश्वास माळत्या?” 36 आव उत्तर कोट्टुन, “हे प्रभु, आव याव हुन, की ना आऊन मा वश्वास माळाईन?” 37 यीशु आऊन से अंदुन, “नी आऊक नोळ्या, अदकि जो नीन सांगुळ मातगोळी हेळेत्यान आव आवा हुन.” 38 आव अंदुन, “हे प्रभु, ना नीन मा वश्वास माळतीन.” अदकि आऊक बांगकु प्रणाम माळदुन. 39 आग यीशु अंदुन, “ना ई दुनया दा न्याय इन साटी बंदीन, ताकी जो नोळालुर आंदुर नोळुल, अदकि जो नोळतार आंदुर कुढ्ढ आगोगुल.” 40 जो फरीसी आऊन सांगुळ ईरोर आंदुर आऊन ई मातगोळी केळकु आऊन से अंदुर, “येन नाव भी कुढ्ढ आयेव?” 41 यीशु आंदुर से अंदुन, “अगर नीव कुढ्ढ ईरायदीर रा पापी ईला ठहरूसायदीर; लेकीन ईग अनतीर की नाव नोळतेव, इदुरसाटी नीम दा पाप बन्सकु ईरतद.

10

चरवाहा अदकि म्यांङागोळ्द उदाहरण

1 “ना नीम से खरा खरा अनतीन की जो यावारा दरवाजा टु म्यांङाशाला दा प्रवेश माळालुन, लेकीन दुसरा दी टु येरतान, आव काल्ळ अदकि डाकू हुन. 2 लेकीन जो दरवाजा टु बुळ्क प्रवेश माळतान आव म्यांङागोळ्द चरवाहा हुन. 3 आऊन साटी चौकीदार दरवाजा खोल्स बुळतान, अदकि म्यांङा आऊन आवाज केळताव, अदकि आव तान म्यांङागोळी हेसुर ताकोम ताकोमकु कारूतान अदकि व्हार्या वोयतान. 4 याग आव तान सप्पा म्यांङागोळी व्हार्या तेगु कोमतान, रा अऊर मुंद मुंद नळुतान, अदकि म्यांङागोळ आऊन हदि हदि आगेगताव, यतकी अव आऊन आवाज अरूताव. 5 लेकीन अव दुसरा अन हदि होगतीदील, लेकीन आऊन से दुर ओळेव, यतकी अव दुसरा अन आवाज अरालव.” 6 यीशु आंदुर से ईद उदाहरण अंदुन, लेकीन आंदुर समसीदील की ईव याता मातगोळ हु जो आव नाम से अनतान.

यीशु वळ्लेव चरवाहा

7 आग यीशु आंदुर से मात्त अंदुन, “ना नीम से खरा खरा अनतीन, म्यांङागोळ दरवाजा ना हुईन. 8 यास नान से पयले बंदुर आंदुर सप्पा काल्ळुर अदकि डाकू उर, लेकीन म्यांङागोळ आंदुरद केळीदील. 9 दरवाजा ना हुईन; अगर यावारा नान द्वारा बुळ्क प्रवेश माळ्यान, रा उद्धार सकिकीत, अदकि बुळ्क व्हार्या होग्त बरूत ईत्तान अदकि चारा सकिकीत. 10 काल्ळ यातोदारा क्याल्सा अन साटी ईला लेकीन सरिफ चोरी माळली अदकि घात माळली अदकि नाश माळली इक बरतान; ना इदुरसाटी बंदीन की आंदरी जीवन सकिकुल, अदकि हापाळ जीवन सकिकुल.”

11 “वळ्लेव चरवाहा ना हुईन; वळ्लेव चरवाहा म्यांडागोळ साटी तान जीव कोळतान. 12 मजदूर जो ना चरवाहा आन अदकि ना म्यांडागोळ मालकि आन, लांडग्या अक बर्त नोळ म्यांडागोळी बटिकु वोळ्गेतान; अदकि लांडग्या अवरी हुडुतद अदकि ततिर बतिर माळ बुळतद. 13 आव इदुरसाटी वोळ्गेतान की आव मजदूर हुन, अदकि आऊक म्यांडागोळ चतिा हैलेच. 14 *वळ्लेव चरवाहा ना हुईन; ना तान म्यांडागोळी जान्सतीन, अदकि नान म्यांडागोळ नानी जान्सताव. 15 ह्यांग आप्प नानी जान्सतान अदकि ना आप्प उक जान्सतीन अदकि ना म्यांडागोळ साटी तान जीव कोळतीन. 16 नान अदकि भी म्यांडागोळ आव, जो ई म्यांडाशाला अन आल्लच. नानी अवरी भी तरोद जरूरी आद. अव नान आवाज केळेव, आग ऊंद अच झुण्ड अदकि ऊंद अच चरवाहा ईत्तान. 17 आप्प इदुरसाटी नान से प्यार ईटतान की ना तान जीव कोळतीन की अदरी मात्त ताकोम कोमाईन. 18 याऊ अदरी नान से कसालुन, लेकीन ना अदरी खुद अच कोळतीन. नानी आऊंद कोळोद भी अधिकार आद, अदकि अदरी बाक ताकोम कोमोद भी अधिकार आद: ईद आग्या नान आप्प उन देल नानी सकियाद.”

19 ई मातगोळ कारण यहूदीगोळ दा मात्त फूट बदिता. 20 आंदुर से हापाळ सा लॉकुर अनली कुरतुर, “आऊन दा दुष्टआत्मा आद, अदकि आव येर्र आन; आऊंद येती केळतीर?” 21 अन्य लॉकुर अंदुर, “ई मातगोळ ईत्ता मळसा नव आल्लच यारदा दुष्टआत्मा आद. येन दुष्टआत्मा कुद्वगोळ कण्णगोळी खोलस सकतद?”

यीशु उक नकारसोद

22 यरूशलेम दा स्थापना हाब्व मनुस्कु आगोद; अदकि सोळ इन दनि ईरव. 23 यीशु मंदरि दा सुलैमान उन छपर्या दा

टेटाळोन. 24 आग यहूदीगोळ आऊक बंदकु घेरसदुर अदकि केळदुर, “नी नाम मन इक यागासताका दुवधा दा ईट्या? अगर नी मसीह हुय रा नाम से साफ साफ अंद बुळ.” 25 यीशु आंदरी उत्तर कोट्टुन, “ना नीम से अंद बुटीन पर नीव वशिवास अच माळालीर. जो क्याल्सा ना तान आप्प उन हेसुर देल माळतीन अव अच नान गवाह हु, 26 लेकीन नीव इदुरसाटी वशिवास माळालीर यतकी नीव नान म्यांडागोळ दा टु आल्लच. 27 नान म्यांडागोळ नान आवाज केळताव; ना अवरी जानसतीन, अदकि अव नान हदि हदि नळुताव; 28 अदकि ना अवरी अनन्त जीवन कोळतीन. अव यागलु नाश आगतीदील, अदकि याऊ अवरी नान कय दा टु कसु सकालुन. 29 नान आप्प, याव अवरी नानी कोटान, सप्पा से धोड्डेव आन अदकि याऊ अवरी आप्प उन कय देल कसु सकालुन. 30 ना अदकि नान आप्प ऊंद आयेव.” 31 यहूदीगोळ आऊन मा पथराव माळोर साटी मात्त कल्लगोळी नेगदुर. 32 इदुर मा यीशु आंदुर से अंदुन, “ना नीमी तान आप्प उन दी टु हापाळ सा भला क्याल्सा तोरसदीन; अऊर दा टु याता क्याल्सा अन साटी नीव नान मा पथराव माळतीर?” 33 यहूदीगोळ आऊक उत्तर कोट्टुर, “भला क्याल्सा अन साटी नाव नीन मा पथराव माळालेव लेकीन परमेश्वर उन अपमान माळोद कारण; अदकि इदुरसाटी कि नी मंळसा आगकु भी तान तान इक परमेश्वर माळत्या.” 34 यीशु आंदरी उत्तर कोट्टुन, “थेन नीम व्यवस्था दा लखिसकु हैलेच, ‘ना अंदीन, नीव मय हुईर?’ 35 अगर आव आंदरी मय अंदुन यार हात्ती परमेश्वर उन वचन पोहचुस्त अदकि शास्त्र अन मात ख्वाटा आग सकालव. 36 रा यारी आप्प पवतिर ठहूसकु दुनिया दा कळदुन, नीव आऊन से अनतीर, ‘नी अपमान माळत्या,’ इदुरसाटी कि ना अंदीन, ‘ना परमेश्वर उन पार हुईन?’ 37 अगर ना तान आप्प उन क्याल्सा माळालीन, रा नान वशिवास माळबाळी. 38 लेकीन अगर ना

माळतीन, रा चाहे नान वशिवास भी माळबाळी, लेकीन आ कयाल्सागोळ्द रा वशिवास माळी, ताकी नीव जान्सी अदकि समसी की आप्प नान दा आन अदकि ना आप्प दा आईन.”
 39 आग आंदुर मात्त आऊक हुडोद कोशशि माळदुर लेकीन आव आंदुर कय दा टु होटबुटुन.

40 ✨बाक आव यरदन इन आप्पाटी आ जागा मा ओळ्दुन, यल यूहन्ना पयले बपतस्मा कोळतोगोन, अदकि अल्या ईत्तुन.
 41 हापाळ सा लॉकुर आऊन हात्ती बंदकु अनतोगोर, “यूहन्ना रा यातोदु चमत्कार तोरसीदील, लेकीन जो येनारा यूहन्ना ईऊंद बारा दा अंददिन, अद सप्पा सही ईरोद.” 42 अदकि अल हापाळ सा लॉकुर यीशु मा वशिवास माळदुर.

11

लाज़र उन मृत्यु

1 ✨मरयिम अदकि आकनि आकतींग मारथा अन्द ऊर बैतनयियाह अन्द लाज़र हेसुर इन ऊंद मंळसा बमिर ईरोन.
 2 ✨इक आका मरयिम ईरोर यार प्रभु मा अत्तर हाक्कु आऊन कालगोळी तान चुट्टीगोळ देल सटीदुर, ईकी नवा वार्ट लाज़र बमिर ईरोन. 3 इदुरसाटी आऊन आकतींगेर यीशु उक बातणी कळुदुर, “हे प्रभु, नोळ, यार से नी प्यार ईटत्या, आव बमिर आन.”

4 ईद केळकु यीशु अंदुन, “ईद बमिरी सायोद आलच; लेकीन परमेश्वर उन महिमा अन्द साटी हुन, की आऊन द्वारा परमेश्वर उन पार ऊंद महिमा आगुल.”

5 यीशु मारथा अदकि आकनि आकतींग अदकि लाज़र से प्यार ईटतोगोन. 6 तरी भी याग आव केळदुन की आव बमिर आन, रा याता जागा मा आव ईरोन, अल येद्व दनि मात्त रूकसेदुन.

7 ईदुर बाददा आव चेलागोळ से अंदुन, “बरी, नाव मात्त यहूदिया नगर इक होगता.”

8 चेलागोळ यीशु से अंदुर, “हे गुरु, ईगल्या रा यहूदी लाँकुर नीन मा कल्लगोळी होडोद चाहासोर, अदकि येन नी मात्त अल्या होगोद चाहासत्या?”

9 यीशु उत्तर कोट्टुन, “येन हागुल ईनव हन्नेळ घंटा ईरालव? अगर यावारा हागुल इन होती नळुतान रा ठोकर तनिलुन, यतकी ई दुनिया अन्द उज्जुळ नोळतान. 10 लेकीन अगर यावारा ईळ्लक इन होती नळुतान रा ठोकर तनितान, यतकी अदुरदा उज्जुळ हैलेच.” 11 आव ई मातगोळ अंदुन, अदकि ईदुर बाददा आंदुर से अनली कुरतुन, “नाम संगी लाजर मगिग्यान, लेकीन ना आऊक येब्सली होगतीन.”

12 आग चेलागोळ आऊन से अंदुर, “हे प्रभु, अगर आव मगिग्यान, रा वळ्लेव आगेदान.” 13 यीशु रा आऊन मृत्यु ऊंद बारा दा अंददिन, लेकीन आंदरी हगि हत्त क्क आव जप देल मगिगेद बारा दा अंदान. 14 आग यीशु आंदुर से साफ साफ अंद बुट्टुन, “लाजर सोतोग्यान; 15 अदकि ना नीम कारण खुश आईन कनि अल ईला ईरीन यदुर देल नीव वशिवास माळी. लेकीन ईग बरी, नाव आऊन हात्ती होगता.” 16 आग थोमा यारी ददिमुस अनतार, तान साथी चेलागोळ से अंदुन, “बरी, नाव भी आऊन सांगुळ सायली होगता.”

यीशु ऊंद पुनरूत्थान अदकि जीवन

17 अल होगदुर मा यीशु उक ईद मालूम आत क्क लाजर उक कबर दा ईटकु नाक दनि आगेग्याव. 18 बैतनयियाह यरूशलेम इन हात्ती येढढ मील इन दुरी मा ईरोद. 19 हापाळ सा यहूदी मार्था अदकि मरयिम इन हात्ती आकनि वार्ट ऊंद मृत्यु मा शांती कोळोर साटी बंदीदुर.

20 याग मारथा यीशु ऊंद बरोद समाचार केळदुर रा आऊन से मुलाकात माळली होदुर, लेकीन मरयिम मान्या अच ईततुर. 21 मारथा यीशु से अंदुर, “हे प्रभु, अगर नी ईल ईराईद, रा नान वार्ट ईला सायायदुन. 22 लेकीन ना ईग भी जान्सतीन कनि जो येनारा परमेश्वर से बेळ्या, परमेश्वर नीनी कोट्टान.”

23 यीशु आकनि से अंदुन, “नीन वार्ट मातत जतिता आदान.”

24 मारथा आऊन से अंदुर, “ना जान्सतीन क आखरी दनिगोळ दा पुनरूत्थान इन समय आव जतिता आदान.”

25 यीशु आकनि से अंदुन, “पुनरूत्थान अदकि जीवन ना अच हुईन; जो यावारा नान मा वश्वास माळतान आव अगर सोतो भी दान तरी भी जतिता आदान, 26 अदकि जो यावारा जतिता आन अदकि नान मा वश्वास माळतान, आव अनन्त काल ताका सायतीदील. येन नी ई मात मा वश्वास माळत्या?”

27 आक आऊन से अंदुर, “हव हे प्रभु, ना वश्वास माळतीन क परमेश्वर उन पार मसीह जो दुनिया दा बरावाळा ईरोन, आव नी अच हुय.”

यीशु वर्लदुन

28 ईद अनकु आक होटोदुर, अदकि तान आकतीग मरयिम इक कारूकु सुंगासुंग अंदुर, “गुरु ईवा हुन अदकि नीनी कारूतान.” 29 ईद केळत अच आक तुरन्त यदकु आऊन हात्ती बंदुर. 30 यीशु ईगल्या ऊर दा बरली इक ईरोन लेकीन अदा जागा मा ईरोन यल मारथा आऊन से मुलाकात माळीदुर. 31 आग जो यहूदी आऊन सांगुळ मान्या ईरोर अदकि आऊक शांती कोळोर, ईद नोळकु क मरयिम तुरन्त यदकु व्हार्या होग्यार आंदुर ईद सम्सदुर क आक कबर मा वरली होगेत्यार, रा आकनि हदि आगेदुर.

32 याग मरयिम अल पोहचुसदुर यल यीशु ईरोन, रा आऊक नोळत अच आऊन कालगोळ मा बदिदुर अदकि अंदुर, “हे प्रभु, अगर नी ईल ईराईद रा नान वार्ट ईला सायायदुन.”

33 याग यीशु आक इक अदकि आ यहूदीगोळी जो आकनि सांगुळ बंदीदुर, वरलतेला नोळदुन, रा तान आत्मा दा हापाळ अच उदास अदकि व्याकुल आदुन, 34 अदकि अंदुन, “नीव आऊक यल ईटीर?”

आंदुर आऊन से अंदुर, “हे प्रभु, नळुकु नोळ कोम.”

35 यीशु वरलदुन. 36 आग यहूदी अनली हतदुर, “नोळी, आव आऊन से याट प्यार ईटतान.”

37 लेकीन आंदुर दा टु थ्वाळासा यहूदीगोळ अंदुर, “येन ईव याव कुढ्ढ मंळसा अनंद कण्णगोळ तैरदुन, येन ईद भी माळ सकदील कि ई मंळसा ईला सायायदुन?”

यीशु लाजर उक जतिता माळदुन

38 यीशु तान मन दा मातत हापाळ अच उदास आगकु कब्र मा बंदुन. अद ऊंद गुफा ईरोद अदकि ऊंद कल्ल आ गुफा मा ईटकु ईरोद. 39 यीशु अंदुन, “कल्ल सरकुसी.”

जो सोतकु ईरोन आऊन आकतींग मारथा आऊन से अनली हतदुर, “हे प्रभु, आऊन दा टु ईग वास बरतद, यतकी आऊक सोतकु नाक दनि आगेग्याव.”

40 यीशु आकनि से अंदुन, “येन ना नीन से ईला अंददीन कि अगर नी वशिवास माळ्या, रा परमेश्वर ऊंद महमा अक नोळ्या.” 41 आग आंदुर आ कल्ल इक सरकुसदुर. यीशु तान कण्णगोळ नेगुकु अंदुन, “हे आप्पा, ना नींद धन्यवाद माळतीन कि नी नांद केळ कौड्या. 42 ना जानसीन कि नी हमेशा नांद केळत्या, लेकीन जो भीळ आसपास नदुरकु आद, आंदुर कारण ना हगि अंदीन, यदुर देल कि आंदुर वशिवास माळुल कि नी नानी कळ्या.” 43 ईद अंदकु आव धोळ्द आवाज देल कारदुन, “हे लाजर, व्हार्या बा!” 44 जो सोतोगदिन आव कब्र दा टु ह्यांग आऊनव कय काल कटकु ईरव हांगा व्हार्या बंदुन, अदकि आऊन

बाय गमछ्हा देल होचकु ईरोद. यीशु आंदुर से अंदुन, “आऊक तेरू बुळी अदकि होगगोळी.”

यीशु उन खलिाप साजीश

(मत्ती २६:१-५; मरकुस १४:१,२; लूका २२:१,२)

45 आग जो यहूदी मरयिम इन हात्ती बंदीदुर अदकि यीशु उन ईद कयाल्सा नोळीदुर, आंदुर दा टु हापाळ मुंदुर आऊन मा वशिवास माळदुर. 46 लेकीन आंदुर दा टु थ्वाळासा यहूदीगोळ फरीसीगोळद हात्ती होगकु यीशु उन कयाल्सागोळद बातणी कोट्टुर. 47 ईदुर मा प्रधान याजकगोळ अदकि फरीसीगोळ महासभा कार्सदुर, अदकि अंदुर, “नाव येन माळेतेव? ई मळसा रा हापाळ चमत्कार तोरसतान. 48 अगर नाव आऊक हगि अच बटि बुटेव, रा सप्पा आऊन मा वशिवास माळ कोंडार, अदकि रोमी साम्राज्य अन्द लॉकुर बंदकु नाम जागा अदकि जाती येदुदु मा अधकारि माळ कोंडार.”

49 आग आंदुर दा टु कैफा हेसुर ईनव ऊंद मळसा जो आ वर्ष ईनव महायाजक ईरोन, आंदुर से अंदुन, “नीव येनु अच जानसालीर; 50 अदकि ना नीमी ईद ऊम्सतद कनिमी साटी ईद वळ्लीद आद कनिनाम लॉकुरद साटी ऊंद मळसा सायुल, अदकि सप्पा जाती इन नाश आगबाळुल.” 51 ईद मात आव तान दी टु अंददिल, लेकीन आ वर्ष इन महायाजक आगकु भवषियवाणी माळदुन, कियीशु आ जाती इन साटी सोत्तान; 52 अदकि ना सर्फि आ जाती इन साटी, उलटा इदुरसाटी भी कियरमेश्वर उन जो ततिर-बतिर औलाद आव अवरी ऊंद माळ सकुल.

53 इदुरसाटी अदा दनि टु आंदुर आऊक कोंद बुळोद साजीश माळली कुरतुर. 54 इदुरसाटी यीशु आ समय टु यहूदीगोळ दा प्रगट आगकु टेटीदलि, लेकीन अल टु आळी इन हात्तीपास इन प्रदेश इन इफ्राईम हेसुर इन ऊंद नगर इक होटोदुन; अदकि तान चैलागोळद सांगुळ अल्या ईरली कुरतुन.

55 यहूदीगोळ्द फसह अनूद हाब्ब हात्ती ईरोद, अदकि हापाळ सा लॉकुर फसह से पयले देहात टु यरूशलेम इक होदुर कितान तान इक शुद्ध माळुल. 56 इदुरसाटी आंदुर यीशु उक दुंदसली हतदुर अदकि मंदिरि दा नदिरकु आपस दा अनली हतदुर, “नीव येन सोचतीर? येन आव हाब्ब दा बरतीदील?” 57 प्रधान याजकगोळ अदकि फरीसीगोळ ईद आदेश कोटकु ईटीदुर कि यावारा यीशु उक नोळुल रा खबर कोळुल, कि आंदुर आऊक हुडु सकुल.

12

यीशु उन कालगोळ मा अत्तर हाक्कोद
(मत्ती २६:६-१३; मरकुस १४:३-९)

1 यीशु फसह हाब्ब इन आर दनि पयले बैतनयियाह दा बंदुन यल लाजर ईरोन, यारी यीशु सोत्तुर दा टु जतिता माळीदुन. 2 अल आंदुर आऊन साठी भोजन तयार माळदुर; अदकि मार्था स्यावा माळोर, अदकि लाजर आंदुर दा टु ऊंद ईरोन जो आऊन सांगुळ भोजन माळली कुरतीदुन. 3 *आग मरयिम जटामांसी इन आर्धा लीटर कमिती शुद्ध अत्तर तनकु यीशु उन कालगोळ मा हाकदुर, अदकि तान चुट्टीगोळ देल आऊन काल सटिदुर; अदकि अत्तर इन वास देल सप्पा मान्ना सुगन्धति आगेत. 4 लेकीन आऊन चेलागोळ दा टु यहूदा इस्करयिती हेसुर ईनव ऊंद चेला जो आऊक हुळसुसदुर मा ईरोन, अनली कुरतुन, 5 “ईद अत्तर मुर सौ दीनार दा मारकु कंगालगोळी येती कोटकु आगीदील?” 6 आव ईद मात इदुरसाटी अंददील कि आऊक कंगालगोळद चनिता ईरोद लेकीन इदुरसाटी कि आव काळ्ळ ईरोन, अदकि आऊन हात्ती आंदुरद झ्वारा ईरतोगोद अदकि अदुरदा जो येनारा भी हाक्कु आगतोगोद, आव तेगु कोम तोगोन.

* 12:3 १२:३ लुका ७:३७,३८

7 यीशु अंदुन, “आऊक ईरगोळी. आऊक ईद नांद नळसा दशी इन साठी ईटगोळी. 8 यतकी कंगाल रा नीम सांगुळ सदा ईरतार, लेकीन ना नीम सांगुळ सदा ईरतीदील.”

लाजर इन वरूद्ध साजीश

9 याग यहूदीगोळ्द धोळ्द भीळ जान्सेत क् आव अल आन, रा आंदुर ना सर्फि यीशु उन कारण बंदुर लेकीन इदुरसाटी भी क् लाजर उक नोळुल, यारी आव सोत्तुर दा टु जत्ता माळदुन. 10 आग प्रधान याजकगोळ लाजर उक भी कौद बुळोद साजीश रचुसदुर. 11 यतकी आऊन कारण हापाळ सा यहूदी होटोदुर अदकि यीशु मा वशिवास माळदुर.

यरूशलेम दा वजिय-प्रवेश

(मत्ती २१:१-११; मरकुस ११:१-११; लूका १९:२८-४०)

12 दुसरा दशी हापाळ सा लाँकुर जो हाब्ब दा बंदीदुर ईद केळदुर क् यीशु यरूशलेम दा बरेत्यान. 13 इदुरसाटी आंदुर खजुर इन डगालगोळी हुळदुर अदकि आऊन से भेंट माळोर साठी होट्टुर, अदकि कारूली कुरतुर, “होशाना*! धन्य इस्त्राएल ईनव राजा, जो प्रभु उन हेसुर देल बरतान.”

14 याग यीशु उक गधा अनूद पाड्डा सकित्; रा आव अदुर मा कुरतुन, ह्यांग शास्त्र दा लखिसकु आद,

15 “हे सयियोन इन पोरी, अंजबाळ;

नोळ, नीन राजा

गधा अनूद पाड्डा मा येरकु नीन हात्ती बरेत्यान.”

16 आऊन चेलागोळ ई मातगोळी पयले सम्स सकदील, लेकीन याग यीशु उन मह्मिा प्रगट आत रा आंदरी याद बत्त क् ई मातगोळ आऊन बारा दा लखिसकु ईरोव अदकि लाँकुर आऊन से ईदा प्रकार इन व्यवहार माळीदुर. 17 आग भीळ इन आ लाँकुर गवाही कोट्टुर, जो आ समय आऊन सांगुळ ईरोर याग

* 12:13 १२:१३ प्रभु अनूद जय

आव लाज़र उक कब्र दा टु कारूकु सोत्तुर दा टु जतिता माळदुन. 18 ईदा कारण लॉकुर आऊन से मुलाकात माळली बंदीदुर यतकी आंदुर केळीदुर की आव ईद आश्चर्यकर्म तोरस्यान. 19 आग फरीसीगोळ आपस दा अंदुर, “सोची रा सही की नीम से येनु बनसाल. नोळी, दुनया आऊन हदि आगेत्याद.”

गैरयहूदीगोळ्द यीशु उक ढुंढसोद

20 जो लॉकुर आ हाब्ब दा आराधना माळली बंदीदुर आंदुर दा टु येनारा गैरयहूदी ईरोर. 21 आंदुर गलील इन बैतसैदा नोर ईरावाळेर फलिपिपुस उन हात्ती बंदकु आऊन से वनिती माळदुन, “श्रीमान, नाव यीशु से मुलाकात माळोद चाहासतेव.”

22 फलिपिपुस बंदकु अन्दरयास से अंदुन, आग अन्दरयास अदकि फलिपिपुस होगकु यीशु से अंदुन. 23 ईदुर मा यीशु आंदुर से अंदुन, “आ समय होट बंदाद कि मळसा अन पार उन महमि आगुल. 24 ना नीम से खरा खरा अनतीन कयिगासताका गोदी इन बीजा जमीन मा बदिक् सोतोगाल, अद आवना ईरतद; लेकीन याग सोतोगतद, रा हापाळ फसल तरतद. 25 ✨जो तान जीव इक प्रयि जान्सतान, आव अदरी खोऊस बुळतान; अदकि जो ई दुनया दा तान जीव इक अप्रयि जान्सतान, आव अनन्त जीवन इन साठी अदुर्द रक्षा माळ्यान. 26 अगर यावारा नान स्यावा माळ्यान, रा नान हदि आगेगुल; अदकि यल ना आईन, अल नान सेवक भी ईत्तान. अगर यावारा नान स्यावा माळ्यान, रा नान आप्प आऊने आदर माळ्यान.

क्रूस इन मृत्यु इन इशारा

27 “ईग नान जीव व्याकुल आद. इदुरसाटी ईग ना येन अनाईन, हे आप्पा, नानी ई घळी देल ऊळस?” ईला, यतकी ना ईदा कारण ई घळी इक पोहचुसीन. 28 हे आप्पा, तान हेसुर इन महमि माळ.”

✨ 12:25 १२:२५ मत्ती १०:३१; १६:२५; मरकुस ८:३५; लूका ९:२४; १७:३३

“आग ईद आकाशवाणी आत, ना आऊंद महिमा माळीन, अदकि मात्त माळाईन.”

29 आग जो लॉकुर नदिरकु केळोर आंदुर अंदुर की बादल गरजुस्त. दुसरागोळ अंदुर, येनारा स्वर्गदूत आऊन से माताळदुन.

30 ईदुर मा यीशु अंदुन, “ईद आवाज नान साटी ईला, लेकीन नीम साटी बंदाद. 31 ईग ई दुनया अन न्याय आगतद, ईग ई दुनया अन सरदार तेगुकु आदान; 32 अदकि ना अगर पृथ्वी मा टु म्याकुच येर्सकु आगाईन, रा सप्पा मुंदुरी तान हात्ती जेडाईन.” 33 हगि अंदकु आव ईद प्रगट माळ बुट्टुन की आव हयांग मृत्यु देल सोत्तान.

34 इदुर मा लॉकुर आऊन से अंदुर, “नाव व्यवस्था अन्द ईद मात केळेव की मसीह हमेशा ईत्तान, बाक नी येती अनत्या की मंळसा अन्द पार उक म्याकुच येरसोद जरूरी आद? ईव मंळसा अन पार याव हुन?”

35 यीशु आंदुर से अंदुन, “ज्योती ईग थ्वाळासा देर ताका नीम बीच दा आद. यागासताका ज्योती नीम सांगुळ आद आगासताका नळुतेला ईरी, हगि आगबाळुल की अंधकार नीमी बंदकु घेरसुल; जो अंधकार दा नळुतान आव जानसालुन कियात्त होगतान. 36 यागासताका ज्योती नीम सांगुळ आद, ज्योती मा वशिवास माळी ताकी नीव ज्योती अन औलाद आगी.”

यहूदीगोळ अवशिवास दा बन्सकु ईरेतीर

ईव मातगोळी अंदकु यीशु ओळेदुन अदकि आंदुर से होचकु ईत्तुन 37 आव आंदुर मुंद ईस चमत्कार† तोर्सदुन, तरी आंदुर आऊन मा वशिवास माळीदलि; 38 ताकी यशायाह भवषियवक्ता अन्द वचन पुरा आगुल जो आव अंदुन:

“हे प्रभु, नाम बातणी इन याव वशिवास माळ्यान?”

† 12:37 १२:३७ चमत्कार

अदकि प्रभु अन्द ताकत यार मा प्रगट आग्याद?"

39 ई कारण आंदुर वशिवास माळ सकदील, यतकी यशायाह ईद भी अंदान:

40 "आव आंदुर कण्णगोळी कुद्व,

अदकि आंदुर मन कठोर माळ बुटुन;

येल्यारा हगि आगबाळुल कि आंदुर कण्णगोळ देल नोळुल,

अदकि मन देल समसुल,

अदकि तरिगुल,

अदकि ना आंदरी चंगा माळाईन."

41 यशायाह ई मातगोळी इदुरसाटी अंदुन कि आव आऊन महमा नोळदुन, अदकि आव आऊन बारा दा मातगोळी हेळदुन.

42 तरी अधिकारीगोळ दा टु हापाळ लॉकुर आऊन मा वशिवास माळदुर, लेकीन फरीसीगोळ कारण प्रगट दा ईला मानसोर, येल्यारा हगि आगबाळुल कि आंदुर यहूदी लॉकुरद सभागृह दा टु तेगुकु आदार: 43 यतकी मंळसागोळ दी टु प्रशंसा आंदरी परमेश्वर उन दी टु प्रशंसा अन्द अपेक्षा यक्कुल प्रयि हततोगोद.

यीशु नव वचन: न्याय इन आधार

44 यीशु कारूकु अंदुन, "जो नान मा वशिवास माळतान, आव नान मा ईला उलटा नान कळावाळा मा वशिवास माळतान.

45 अदकि जो नानी नोळतान, आव नान कळावाळा अक नोळतान. 46 ना दुनया दा ज्योति आगकु बंदीन, ताकी जो यावारा नान मा वशिवास माळुल आव अंधकार दा ईरबाळुल.

47 अगर यावारा नान मातगोळी केळकु मान्सालुन, रा ना आऊक दोषी ठहरूसालीन; यतकी ना दुनया अक दोषी ठहरूसोर साटी ईला, लेकीन दुनया अन्द उद्धार माळोर साटी बंदीन. 48 जो नानी तुचुछु जानस्तान अदकि नान मातगोळी ग्रहण माळालुन आऊक दोषी ठहरूसावाळा रा ऊंद आन: मतलब जो वचन ना

अंदीन, अदा हदिळोव दनि दा आऊक दोषी ठहूसीत. 49 यतकी ना तान दी टु मातगोळी माळीदलि; लेकीन आप्प याव नानी कळ्यान आवा नानी आग्या कोटान क्कियेन येन अनाईन अदकि येन येन माताळाईन? 50 अदकि ना जान्सतीन क्कआऊन आग्या अनन्त जीवन आद. इदुरसाटी ना जो येनारा माताळतीन, अद ह्यांग आप्प नान से अंदान हांगा माताळतीन.”

13

यीशु उन चेलागोळ्द काल तोळोद

1 फसह इन हाब्ब से पयले, याग यीशु जान्स कोंडुन क्कनांद आ घळी होट्ट बंदाद क्कदुनयिा बटिकु आप्प उन हात्ती होगईन, रा तान लॉकर से जो दुनयिा दा ईरोर ह्यांग प्यार आव ईटतोगोन, आखरी ताका हांग अच प्यार ईटतेला ईत्तुन. 2 याग शैतान शमौन उन पार यहूदा इस्करयिोती इन मन दा ईद हाक बुटीदुन क्कआऊक हुळसुसुल, रा भोजन इन समय 3 यीशु, ईद जान्सकु क्कआप्प सप्पा येनारा नांद कय दा माळ बुटान अदकि ना परमेश्वर उन हात्ती टु बंदीन अदकि परमेश्वर उन हात्ती होगतीन, 4 भोजन मा टु यदकु तान म्याकळव कपळागोळी ईळ्स बुट्टुन, अदकि गमछा हुडुकु तान नेळु कटदुन. 5 आग बरतन दा नीर तुमकु चेलागोळ्द काल तोळुली अदकि याता गमछा देल आऊन नेळु कटकु ईरोद अदुर देल अच सीटली कुरतुन. 6 याग आव शमौन पतरस उन हात्ती बंदुन, आग पतरस आऊन से अंदुन, “हे प्रभु, येन नी नांद काल तोळुत्त्या?” 7 यीशु आऊक उत्तर कोट्टुन, “जो ना माळतीन, नी अदरी ईगल्या जान्साल, लेकीन ईदुर बाददा नीनी ऊमसीत.” 8 पतरस आऊन से अंदुन, “नी नान काल यागलु तोळु सकतीदलि!” ईद केळकु यीशु आऊन से अंदुन, “अगर ना नीन काल तोळुतीदलि, रा नांद सांगुळ नींद येनु संबंघ हैलेच.” 9 शमौन पतरस आऊन से अंदुन, “हे

प्रभु, रा बाक नान काल अच ईला, उलटा कय अदकि तालुला भी तोळु कोळ.” 10 यीशु आऊन से अंदुन, “जो मय तोळु कौडान आऊक काल इन अलावा अदकि येनु तोळोद जरवत हैलेच, लेकीन आव बलिकुल शुद्ध आन; अदकि नीव शुद्ध आईर, लेकीन सप्पा अन्द सप्पा मुंदुर ईला.” 11 आव रा तान हुळसुसावाळा अक अरोन इदुरसाटी आव अंदुन, “नीव सप्पा मुंदुर शुद्ध हैलेच.” 12 ✨याग आव आंदुर काल तोळुद बुट्टुन, अदकि तान कपळा हाक्कु मात्त कुरतोदुन, रा आंदुर से अनली कुरतुन, “येन नीव सम्सदीर कि ना नीम सांगुळ येन माळदीन? 13 नीव नानी गुरु अदकि प्रभु अनकु कारूतीर, अदकि ठीक अच अनतीर, यतकी ना आवा हुईन. 14 अगर ना प्रभु अदकि गुरु ईतकु नीम काल तोळदनि, रा नीमी भी आबुर दाबुर काल तोळु पायजे. 15 यतकी ना नीमी नमुना तोरस बुटीन कि ह्यांग ना नीम सांगुळ माळदीन, नीव भी हांग अच माळतोगी. 16 ✨ना नीम से खरा खरा माताळतीन, दास तान स्वामी देल धोड्डेव हैलेच, अदकि ना कळुदव तान कळावाळा से. 17 नीव ई मातगोळ जानसतीर, अदकि अगर अऊर मा नळी रा धन्य आईर. 18 ना नीम सप्पा मुंदुर बारा दा अनालीन; यार्द ना चुनाव माळीन, आंदरी ना अरूतीन; लेकीन ईद इदुरसाटी हुन कि पवतिरशास्त्र अन्द अद वचन पुरा आगुल, ‘जो नांद रोट्टी तनितान, आव नान मा ल्यात नेगदुन.’ 19 ईग ना अदुर आगोर से पयले नीमी हेळ बुळतीन कयाग ईद पुरा आगेदीत रा नीव वशिवास माळेतीर कि ना आवा हुईन. 20 ✨ना नीम से खरा खरा माताळतीन कि जो नानी कळावाळा अक ग्रहण माळतान, आव नानी ग्रहण माळतान; अदकि जो नानी ग्रहण माळतान, आव नानी कळावाळा अक ग्रहण माळतान.”

✨ 13:12 १३:१२ लूका २२:२७ ✨ 13:16 १३:१६ मत्ती १०:२४; लूका ६:४०; यूहन्ना १५:२० ✨ 13:20 १३:२० मत्ती १०:४०; मरकुस ९:३७; लूका ९:४८; १०:१६

यीशु अन वशिवासघात माळावाळा अन दी इशारा
(मत्ती २६:२०-२५; मरकुस १४:१७-२१; लूका २२:२१-२३)

21 ई मातगोळ अंदकु यीशु आत्मा दा व्याकुल आदुन अदकि ईद गवाही कोट्टुन, “ना नीम से खरा खरा अनतीन कि नीम दा टु ऊंद मंळसा नानी हुळसुस्यान.” 22 चेलागोळ संदेह देल, आबुर दाबुर दी नोळली कुरतुर कि आव यार बारा दा अनेत्यान. 23 आऊन चेलागोळ दा टु ऊंद यार से यीशु प्यार ईटतोगोन, यीशु उन याददा अन्द दी बांगकु कुर्तकु ईरोन. 24 शमौन पतरस आऊन दी इशारा माळकु आऊन से केळदुन, “रा हेळ, आव यार बारा दा अनेत्यान?” 25 आग आव हांग अच यीशु उन याददा अन्द दी बांगकु आऊन से केळदुन, “हे प्रभु, आव याव हुन?” 26 यीशु उत्तर कोट्टुन, “यारी ना ईद रोट्टी इन तुकळा तंळग्या दा डोब्सकु कोळाईन आवा हुन.” अदकि आव तुकळा डोब्सकु शमौन इस्करयोती इन पार यहूदा अक कोट्टुन. 27 तुकळा ताकोमत् अच शैतान आऊन दा समुसेत. आग यीशु आऊन से अंदुन, “जो नी माळत्या, तुरन्त माळ.” 28 लेकीन कुरावाळेर दा टु यावारा भी जान्सीदलि कि आव ईद मात आऊन से यदुर साठी अंदुन. 29 यहूदा अन्द हात्ती झ्वारा ईरतोगोद, इदुरसाटी यारारा यारारा सम्सदुर कि यीशु आऊन से अनेत्यान कि जो येनारा नामी हाब्ब इन साठी पायजे अद कोंड कोम, या ईद कि कंगालगोळी येनारा कोळ. 30 इदुरसाटी आव तुकळा हुळकु तुरन्त व्हार्या होटोदुन; अदकि ईद ईळ्लक इन समय ईरोद.

व्हाशोद आग्या

31 याग आव व्हार्या होटोदुन रा यीशु अंदुन, “ईग मंळसा अन पार उन महिमा आग्याद, अदकि परमेश्वर उन महिमा आऊन दा आग्याद; 32 अगर परमेश्वर उन महिमा आऊन द्वारा आत, रा परमेश्वर भी तान द्वारा आऊन महिमा प्रगट माळ्यान अदकि

तुरन्त माळ्यान. 33 ✨हे चकिरगोळा, ना मात्त घळी तमि नीम हात्ती आईनः बाक नीव नानी दुंढसीर, अदकि ह्यांग ना यहूदीगोळ से अंदीन, 'यल ना होगतीन अल नीव बर सकालीर,' हांग अच ना ईग नीम से भी अनतीन. 34 ✨ना नीमी ऊंद व्हाशोद आग्या कोळतीन कि आबुर दाबुर से प्यार ईटी; ह्यांग ना नीम से प्यार ईटीन, हांग अच नीव भी आबुर दाबुर से प्यार ईटी. 35 अगर नीव आपस दा प्यार ईटीर, रा ईदुर देल सप्पा मुंदुर जानस्यार कि नीव नांद चेलागोळ हुईर."

यीशु उन द्वारा पतरस उन इनकार इन इशारा

(मत्ती २६:३१-३५; मरकुस १४:२७-३१; लूका २२:३१-३४)

36 शमौन पतरस यीशु से अंदुन, "हे प्रभु, नी यल होगत्या?" यीशु उत्तर कोट्टुन, "यल ना होगतीन अल नी ईगल्या नान हदि बर सकाल; लेकीन बाददा नी नान हदि बंद्या." 37 पतरस आऊन से अंदुन, "हे प्रभु, ईगल्या ना नीन हदि येती बर सकालीन? ना रा नीन साठी तान जीव भी कोट्ट बुळाईन." 38 यीशु उत्तर कोट्टुन, "थेन नी नान साठी तान जीव कोट्ट्या? ना नीन से खरा खरा माताळतीन कि हुंज कुग्गोर से पयले ताका नी नांद मुर घन इनकार माळ कोंड्या.

14

परमेश्वर ताका होगोद हादी

1 "नीम मन व्याकुल आगबाळुल; परमेश्वर मा वशिवास ईटी अदकि नान मा भी वशिवास ईटी. 2 नान आप्प उन मानया हापाळ सा ईरोद जागा आद, अगर ईला ईराईत रा ना नीम से अनबुळायदनि; यतकी ना नीम साठी जागा तयार माळली होगतीन. 3 अदकि अगर ना होगकु नीम साठी जागा तयार माळाईन, रा बाक बंदकु नीमी तान मान्या ओयाईन कि ना यल

✨ 13:33 १३:३३ यूहन्ना ७:३४

✨ 13:34 १३:३४ यूहन्ना १५:१२,१७; १ यूहन्ना ३:२३; २ यूहन्ना १:५

इराईन नीव भी अल ईरी. 4 ना यल होगतीन नीव अल ईद हादी अरूतीर.” 5 थोमा आऊन से अंदुन, “हे प्रभु, नाव ईद अरालेव कनि यल होगेत्या; रा हादी ह्यांग अरतेव?” 6 यीशु आऊन से अंदुन, “हादी अदकि सच्चाई अदकि जीवन ना अच हुईन; बनिा नान द्वारा याऊ आप्प उन हात्ती होग सकालुन. 7 आव आंदुर से अंदुन अगर नीव नानी अरत कोमायदीर, रा नान आप्प उक भी अरायदरि; अदकि ईग आऊक अरूतीर, अदकि आऊक नोळीर भी.”

8 फलिपिपुस आऊन से अंदुन, “हे प्रभु, आप्प उक नामी तोरुस बुळ, ईदा नाम साटी हापाळ आद.” 9 यीशु आऊन से अंदुन, “हे फलिपिपुस, ना ईस दनि टु नीम सांगुळ आईन, अदकि येन नी नानी जानुसाल? याव नानी नोळ्यान आव आप्प उक नोळ्यान. नी येती अनत्या कनि आप्प उक नामी तोरुस?” 10 येन नी वशिवास माळाल कनि आप्प दा आईन अदकि आप्प नान दा आन? ई मातगोळी जो ना नीम से अनतीन, तान दी टु अनालीन, लेकीन आप्प नान दा ईतकु तान क्याल्सा माळतान. 11 नान वशिवास माळी कनि आप्प उन दा आईन अदकि आप्प नान दा आन; ईदारा क्याल्सागोळ्द अच कारण नान वशिवास माळी. 12 “ना नीम से खरा खरा अनतीन कनि जो नान मा वशिवास ईटतान, ई क्याल्सा जो ना माळतीन आव भी माळ्यान, बल्की ईऊर से भी धोड्डेव क्याल्सा माळ्यान, यतकी ना आप्प उन हात्ती होगतीन. 13 जो येनारा नीव नान हेसुर देल बेळीर, अदा ना माळाईन कनि पार उन दरवाजा मा आप्प उन महमिा आगुल. 14 अगर नीव नान से नान हेसुर देल येनारा बेळीर, रा ना अदरी माळाईन.”

पवतिर आत्मा अन वादा

15 “अगर नीव नान से प्यार ईटतीर, रा नान आग्यागोळी मानसीर. 16 ना आप्प उन से वनिती माळाईन, अदकि आव

नीमी ऊंद अदकि सहायक कोट्टान की आव सदा नीम सांगुळ ईरूल. 17 मतलब खरा अन आत्मा, यारी दुनया ग्रहण माळ सकाल्द, यतकी आव ना आऊक नोळतान अदकि ना आऊक अरूतान; नीव आऊक अरूतीर, यतकी आव नीम सांगुळ ईरतान, अदकि आव नीम दा ईत्तान. 18 ना नीमी अनाथ बळितीदील; ना नीम हात्ती बरतीन. 19 अदकि थ्वाळासा समय ईतोग्याद की बाक दुनया नानी नोळतीदलि, लेकीन नीव नानी नोळीर; इदुरसाटी कीना जत्तिता आईन, नीव भी जत्तिता ईत्तीर. 20 आ दशी नीव जानसीर कीना तान आप्प दा आईन, अदकि नीव नान दा, अदकि ना नीम दा. 21 यार हात्ती नान आगयागोळ आव अदकि आव अवरी मान्सतान, आवा नान से प्यार ईटतान; अदकि जो नान से प्यार ईटतान आऊन से नान आप्प प्यार ईट्यान, अदकि ना आऊन से प्यार ईटाईन अदकि तान तान इक आऊन मा प्रगट माळाईन.” 22 आ यहूदा जो इसकरयिती ईला ईरोन, आऊन से अंदुन, “हे प्रभु, येन आत की नी तान तान इक नाम मा प्रगट माळोद चाहासत्या अदकि दुनया मा ईला?” 23 यीशु आऊक उत्तर कोट्टुन, “अगर यावारा नान से प्यार ईट्यान रा आव नान वचन इक मानस्यान, अदकि नान आप्प आऊन से प्यार ईट्यान, अदकि नाव आऊन हात्ती बंदेव अदकि आऊन सांगुळ वास माळेव. 24 जो नान से प्यार ईटालुन, आव नान वचन मानसालुन; अदकि जो वचन नीव केळतीर अद नांद ईला लेकीन आप्प उन हुन, याव नानी कळुदुन.” 25 “ई मातगोळी ना नीम सांगुळ ईतकु नीम से अंदीन. 26 लेकीन सहायक मतलब पवतिर आत्मा यारी आप्प नान हेसुर देल कळ्यान, आव सप्पा मातगोळी कलस्यान, अदकि जो येनारा ना नीम से अंदीन, आव सप्पा नीमी याद माळसुस्यान. 27 ना नीमी शांती कोटकु होगतीन, तान शांती नीमी कोळतीन; हयांग दुनया कोळतद, ना नीमी हांग कोळालीन: नीम मन व्याकुल

आगबाळुल अदकि अंजबाळुल.” 28 नीव केळदीर कनि नीम से अंदीन, “ना होगतीन, अदकि नीम हात्ती मात्त बराईन.” अगर नीव नान से प्यार ईटायदीर, रा ई मात देल खुश आगायदीर कनि आप्प उन हात्ती होगतीन, यतकी आप्प नान से धोड्डेव आन. 29 अदकि ना ईग इदुरद आगोर से पयले नीम से अंद बुटीन, कनि याग अद आगेदीत, रा नीव वशिवास माळी. 30 ना ईग नीम सांगुळ अदकि हापाळ मातगोळी माळतीदील, यतकी ई दुनयिा अन सरदार बरतान. नान मा आऊन येनु अधकारि हैलेच; 31 लेकीन ईद इदुरसाटी आगतद कदिनयिा जानसुल कनि आप्प से प्यार ईटतीन, अदकि ह्यांग आप्प नानी आग्या कोट्टुन ना हांग अच माळतीन. येळी, ईल टु नळी.

15

यीशु खरा दाखलता

1 “खरा दाखलता ना हुईन, अदकि नान आप्प कसिान आन. 2 जो खांदी नान दा आद अदकि फलसाल्द, अदरी आव कळ्द बुळतान; अदकि जो फल्सतद, अदरी आव छाट्सतान ताकी अदकि फलसुल. 3 नीव रा आ वचन इन कारण जो ना नीम से अंदीन, शुद्ध आईर. 4 नीव नान दा बन्सकु ईरी, अदकि ना नीम दा. ह्यांग खांदी अगर दाखलता दा बन्सकु ईरतीदील रा तान तान देल फल्स सकाल्द, हांगा नीव भी अगर नान दा बन्सकु ईरतीदील रा फल्स सकालीर. 5 ना दाखलता हुईन: अदकि नीव खांदीगोळ हुईर. जो नान दा बन्सकु ईरतान अदकि ना आऊन दा, अद हापाळ काय तरतद, यतकी नान से अलग आगकु नीव येनु माळ सकालीर. 6 अगर यावारा नान दा बन्सकु ईरूल, रा आव खांदी अन घाई भटिकु आगतान, अदकि वंळ्गेगतान; अदकि लॉकुर अवरी सकलुसकु बेक्की दा भीट बुळतार, अदकि अव होत्तेगताव. 7 अगर नीव नान दा बन्सकु ईत्तीर अदकि

नान वचन नीम दा बन्सकु ईत्तीत, रा जो चाहासीर बेळी अदकि अद नीम साटी आगेदीत. 8 नान आप्प उन महमिा ईदुर देल आगतद कनिीव हापाळ सा काय तरी, आग अच नीव नान चेला ठहूसीर.” 9 ह्यांग आप्प नान से प्यार ईटदुन, हांग अच ना नीम से प्यार ईटदीन; नान प्यार दा बन्सकु ईरी. 10 अगर नीव नान आग्यागोळी मानसीर, रा नान प्यार दा बन्सकु ईत्तीर; ह्यांग कनिा तान आप्प उन आग्यागोळी मानसदीन, अदकि आऊन प्यार दा बन्सकु ईरतीन. 11 ना ई मातगोळी नीम से इदुरसाटी अंदीन, कनिान खुशी नीम दा बन्सकु ईरूल, अदकि नीम खुशी पुरा आगेगुल. 12 ✧“नान आग्या ईद आद, कनि ह्यांग ना नीम से प्यार ईटदीन, हांग अच नीव भी आबुर दाबुर से प्यार ईटी. 13 इदुर से धोळ्द प्यार यारदु ईला कनि यावारा तान संगीगोळ साटी तान जीव कोळुल. 14 जो आग्या ना नीमी कोळतीन, अगर अदरी मानसीर रा नीव नान संगी हुईर. 15 ईगी टु ना नीमी दास अनतीदलि, यतकी दास जानसालुन कनि आऊन मालकि येन माळतान; लेकीन ना नीमी संगी अंदीन, यतकी जो मातगोळी ना तान आप्प से केळदीन, अव सप्पा नीमी हेळ बुटीन. 16 नीव नानी नीवळुसीदील लेकीन ना नीमी नीवळुसदीन कनि नीव होगकु काय तरी अदकि नीम काय बन्सकु ईरूल, कनिीव नान हेसुर देल जो येनारा आप्प से बेळी, अद नीमी कोळुल. 17 ई मातगोळ आग्या ना नीमी इदुरसाटी कोळतीन कनि नीव आबुर दाबुर से प्यार ईटी.”

दुनयिा अन दुश्मनी

18 “अगर दुनयिा नीम से दुश्मनी ईटतद, रा नीव जानसतीर कनि आव नीम से पयले नान से दुश्मनी ईटदुर. 19 अगर नीव दुनयिा नोर आगायदीर, रा दुनयिा तानोर से प्यार ईटाईत; लेकीन ईद कारण कनि नीव दुनयिा अन आल्लच, लेकीन ना नीमी दुनयिा

✧ 15:12 १५:१२ यूहन्ना १३:३४; १५:१७; १ यूहन्ना ३:२३; २ यूहन्ना १:५

दा टु नीवळुस कोडीन, इदुरसाटी दुनयिा नीम से दुश्मनी ईटतद. 20 ✨जो मात ना नीम से अंददीन, 'दास तान स्वामी से धोड्डेव ईरालुन,' अदरी याद ईटी. अगर आंदुर नानी सतुसदुर, रा नीमी भी सतुस्यार; अगर आंदुर नान मात मान्सदुर, रा नीमद भी मानस्यार. 21 लेकीन ईद सप्पा येनारा आंदुर नान हेसुर इन कारण नीम सांगुळ माळ्यार, यतकी आंदुर नानी कळावाळा अक जानसालुर. 22 अगर ना ईला बरायदीन अदकि आंदुर से मातगोळी ईला माळायदीन, रा आंदुर पापी ईला ठहूसयदुर; लेकीन ईग आंदरी पाप इन साटी येनु बहाना हैलेच. 23 जो नान से दुश्मनी ईटतान, आव नान आप्प से भी दुश्मनी ईटतान. 24 अगर ना आंदुर दा आंदुर क्याल्सा ईला माळायदीन जो अदकि याऊ माळीदील, रा आंदुर पापी ईला ठहूसयदुर; लेकीन ईग रा आंदुर नानी अदकि नान आप्प येदुदु मुंदरी नोळदुर अदकि येदुदु से दुश्मनी माळदुर. 25 ईद इदुरसाटी आत की अद वचन पुरा आगुल, जो आंदुरद व्यवस्था दा लखिसकु आद, 'आंदुर नान से फालतु दुश्मनी माळदुर.' 26 लेकीन याग आव मदतगार बंदान, यारी ना नीम हाती आप्प उन दी टु कळाईन, मतलब सच्चाई अन आत्मा जो आप्प उन दी टु होळतान, रा आव नान गवाही कोट्टान; 27 अदकि नीव भी नान गवाह आईर यतकी सूखात टु नान सांगुळ ईतीर."

16

1 "ई मातगोळी ना नीम से इदुरसाटी अंदीन की नीव ठोकर तनिबाळी. 2 आंदुर नीमी यहूदी लाँकुरद सभागूहगोळ दा टु तेगु बुट्टार, लेकीन अद समय बंदाद, की जो यावारा नीमी कौद बुट्टान आव समस्यान की ना परमेश्वर उन स्यावा माळतीन. 3 हगि आंदुर इदुरसाटी माळ्यार की आंदुर ना आप्प उक

जानस्यार अदकि ना नानी जानसतार. 4 लेकीन ई मातगोळी ना इदुरसाटी अंदीन, कऱियाग इंदुर समय बंदीत रा नीमी याद होट बंदीत कऱि ना नीम से पयले अच अंद बुटीदीन.”

पवत्रि आत्मा अन कयाल्सा

“ना सूरवात टु नीम से ई मातगोळी इदुरसाटी अंददिल यतकी ना नीम सांगुळ ईरीन. 5 लेकीन ईग ना तान कळावाळा अन हात्ती होगतीन; अदकि नीम दा टु याऊ नान से केळालुन, कऱि ‘नी येल होगत्या.’” 6 लेकीन ना जो ई मातगोळी नीम से अंदीन, इदुरसाटी नीम मन शोक देल तुम्मेग्याद. 7 तरी ना नीम से खरा माताळतीन कऱि नांद होगोद नीम साटी वळ्लीद आद, यतकी अगर ना होगतीदील रा आव सहायक नीम हात्ती बरतीदील; लेकीन अगर ना होगाईन, रा आऊक नीम हात्ती कळाईन. 8 आव बंदकु दुनयिा अक पाप अदकि न्यायीपन अदकि न्याय इन बारा दा समझुस्यान. 9 पाप इन बारा दा इदुरसाटी कऱि आंदुर नान मा वशिवास माळालुर; 10 अदकि न्यायीपन अन बारा दा इदुरसाटी कऱि ना आप्प उन हात्ती होगतीन, अदकि नीव नानी बाक नोळतीदलि; 11 न्याय इन बारा दा इदुरसाटी कऱि दुनयिा अन सरदार दोषी ठहूरसकु आग्यान. 12 “नानी नीम से अदकि भी हापाळ सा मातगोळी अनोद आद, लेकीन ईगल्या नीव अवरी सहन माळ सकालीर. 13 लेकीन याग आव मतलब सच्चाई अन आत्मा बंदान, रा नीमी सप्पा सच्चाई अन हादी हेळ्यान, यतकी आव तान दी टु ईला अंदान लेकीन जो येनारा केळ्यान अदा अंदान, अदकि बरावाळा मातगोळी नीमी हेळ्यान. 14 आव नांद मह्मिा माळ्यान, यतकी आव नान मातगोळ दा टु हुळकु नीमी हेळ्यान. 15 जो येनारा आप्प उन आद, अद सप्पा नान हुन; इदुरसाटी ना अंदीन कऱि आव नान मातगोळ दा टु हुळकु नीमी हेळ्यान.

दुख सुख दा बदलुसेदीत

16 “घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर.” 17 आग आऊन येनारा चेलागोळ आपस दा अंदुर, “ईद येन हुन जो आव नाम से अनतान, ‘घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?’ अदकि ईद इदुरसाटी कनि आप्प उन हात्ती होगतीन.’” 18 आग आंदुर अंदुर, “ईद ‘घळी तीमुर’ जो आव अनतान, येन मात आद? नाव जानसालेव क्नि आव येन अनतान.” 19 यीशु ईद जान्सकु क्नि आंदुर नान से केळोद चाहासतार, आंदुर से अंदुन, “येन नीव आपस दा नान ई मात इन बारा दा जांच माळतीर, ‘घळी तीमुर दा नीव नानी नोळतीदलि, अदकि बाक घळी तीमुर दा का नानी नोळीर?’ 20 ना नीम से खरा खरा अनतीन क्नि नीव वरलीर अदकि दुख माळीर, लेकीन दुनयिा खुशी माळीत; नीमी शोक आदीत, लेकीन नीम शोक खुशी दा बदलुसेदीत. 21 चगिद हाळोद समय आरत इक दुख आगतद, यतकी आकनि दुख इन घळी होट बंदाद, लेकीन याग आक चगिद उक जनम कोट बुळतार, रा ईद खुशी देल क्नि दुनयिा दा ऊंद मंळसा पैदा आदुन, आ संकट इक बाक याद माळालुर. 22 अदा प्रकार नीमी भी ईंग रा दुख आद, लेकीन ना नीम से बाक सकिईन अदकि नीम मन खुशी देल तुम्मेदव; अदकि नीम खुशी याऊ नीम से कसु सकतीदलि. 23 आ दशिी नीव नान से येनु कोळतीदील. ना नीम से खरा खरा माताळतीन, अगर आप्प उन से येनारा बेळीर, रा आव नान हेसुर देल नीमी कोट्टान. 24 ईगासताका नीव नान हेसुर देल येनु बेळीदील; बेळीर रा नीमी सक्कीत ताकी नीम खुशी पुरा आगेगुल.

दुनयिा मा वजिय

25 “ना ई मातगोळी नीम से उदाहरणगोळ दा अंदीन, लेकीन अद समय बंदीत क्नि ना नीम से बाक उदाहरणगोळ दा अनतीदलि, लेकीन खुल्सकु नीमी आप्प उन बारा दा हेळाईन.

26 आ दशिी नीव नान हेसुर देल बेळीर; अदकि ना नीम से ईद अनालीन कि ना नीम साटी आप्प उन से वनिती माळाईन; 27 यतकी आप्प रा खुद अच नीव से प्यार ईटतान, इदुरसाटी कि नीव नान से प्यार ईटदीर अदकि ईद भी वशिवास माळदीर कि आप्प उन दी टु बंदीन. 28 ना आप्प उन दी टु दुनया दा बंदीन; ना मात्त दुनया अक बटिकु आप्प उन हात्ती होगतीन.” 29 आऊन चेलागोळ अंदुर, “नोळ, ईग रा नी खुल्सकु अनत्या, अदकि येनु उदाहरण अनाल. 30 ईग नाव जान्स कोंडेव कि नी सब येनारा जान्सत्या, अदकि इदुर जरवत हैलेच कि यावारा नीन से येनारा केळुल; इदुर देल नाव वशिवास माळतेव कि नी परमेश्वर उन दी टु बंद्या.” 31 ईद केळकु यीशु आंदुर से अंदुन, “येन नीव ईग वशिवास माळतीर? 32 नोळी, अद घळी बरतद बल्की होट बंदाद कि नीव सप्पा ततिर बतिर आगकु तान तान हादी हुळदीर, अदकि नानी आबना बटि बुट्टीर; तरी ना आबना ईला यतकी आप्प नान सांगुळ आन. 33 ना ई मातगोळी नीम से इदुरसाटी अंदीन कि नीमी नान दा शांती सकिल. दुनया दा नीमी दुख आगतद, लेकीन हमिमत ईटी, ना दुनया अक जीत्स कोंडीन.”

17

यीशु उन महायाजकीय प्रार्थना: खुद इन साटी

1 यीशु ई मातगोळी अंदुन अदकि तान कण्णगोळी आकाश इन दी म्याकुच नेगुकु अंदुन, “हे आप्पा, अद घळी होट बंदाद; तान पार उन महमा माळ कि पार भी नीन महमा माळुल, 2 यतकी नी आऊक सप्पा प्राणीगोळ मा अधकार कोट्या, कियारी नी आऊक कोट्या आ सप्पा अक आव अनन्त जीवन कोळुल. 3 अदकि अनन्त जीवन ईद आद कि आंदुर नीन ऊंद मात्त खरा परमेश्वर उक अदकि यीशु मसीह अक, यारी नी कळ्या, जानसुल. 4 जो क्यालसा नी नानी माळली कोटीद, अदरी पुरा माळकु ना पृथ्वी मा नीन महमा माळीन. 5 ईग हे

आप्प, नी तान सांगुळ नान महमि आ महमि देल माळ जो दुनयिा अन दुनयिा से पयले, नांद नीन सांगुळ ईरोद.

6 “ना नीन हेसुर आ मंळसागोळ मा प्रगट माळीन यारी नी दुनयिा दा टु नानी कोट्ट. आंदुर नीनोर ईरोर अदकि नी आंदरी नानी कोट्ट, अदकि आंदुर नीन वचन इक मान्स कोंडुर. 7 ईग आंदुर जान्स कोंडुर कजिो येनारा नी नानी कोट्ट्या अद सप्पा नीन दी टु आद; 8 यतकी जो वचन नी नानी कोट्ट, ना अवरी आंदुर हाती पोहचुस बुटीन; अदकि आंदुर अवरी ग्रहण माळदुर, अदकि खरा खरा जान्स कोंडुर कना नीन दी टु बंदीन, अदकि वशिवास माळ कोंडुर कनी अच नानी कळ्या. 9 ना आंदुर साटी वनिती माळतीन; दुनयिा अन साटी वनिती माळालीन लेकीन आंदुरदा साटी यारी नी नानी कोट्ट्या, यतकी आंदुर नीनोर उर; 10 अदकि जो येनारा नांद आद अद सप्पा नींद हुन, अदकि जो नींद हुन अद नांद हुन, अदकि ईऊर देल नांद महमिा प्रगट आग्याद. 11 ना ईग दुनयिा दा ईरतीदील, लेकीन इंदुर दुनयिा दा ईततार, अदकि ना नीन हात्ती बरतीन. हे पवतिर आप्प, तान आ हेसुर देल जो नी नानी कोट्ट्या, अऊर्द रक्षा माळ कनि अव नाम घाई ऊंद आगुल. 12 *याग ना आंदुर सांगुळ ईरीन, रा ना नीन अद हेसुर देल, जो नी नानी कोट्ट्या अदुरद रक्षा माळदीन. ना आंदुरद सावधानी माळदीन, अदकि वनिाश इन पार उक बटिकु आंदुर दा टु याऊ नाश आगीदील, इदुरसाटी कजिो पवतिरशास्त्र दा अंदकु आग्याद अद पुरा आगुल. 13 ईग ना नीन हात्ती बरतीन, अदकि ई मातगोळी दुनयिा* दा अनतीन, कनि आंदुर नान खुशी तान दा पुरा आगुल. 14 ना नीन वचन आंदरी पोहचुस बुटीन; अदकि दुनयिा आंदुर से दुश्मनी माळत, यतकी ह्यांग ना दुनयिा नव आल्लच, हांग अच आंदुर भी दुनयिा नोर आल्लच. 15 ना ईद वनिती माळालीन कनी नी आंदरी दुनयिा टु नेगु कोम; लेकीन ईद

☆ 17:12 १७:१२ यूहन्ना १३:१८

* 17:13 १७:१३ पुरा दुनयिा

कनि आंदरी आ दुष्ट टु ऊळसकु ईट. 16 ह्यांग ना दुनिया नव आल्लच, हांगा आंदुर भी दुनिया नोर आल्लच. 17 सच्चाई अन द्वारा आंदरी पवतिर माळः नीन वचन सही आद. 18 ह्यांग नी नानी दुनिया दा कळुद, हांगा ना भी आंदरी दुनिया दा कळुदीन; 19 अदकि आंदुर साटी ना तान तान इक पवतिर माळतीन, ताकी आंदुर भी सही अन द्वारा पवतिर माळकु आगुल.

20 “ना सरिफ इंदुरदा साटी वनिती माळालीन, लेकीन आंदुर साटी भी जो इंदुर वचन इन द्वारा नान मा वशिवास माळ्यार, 21 कि आंदुर सप्पा ऊंद आगुल; ह्यांग नी हे आप्प नान दा आय, अदकि ना नीन दा आईन, हांग अच आंदुर भी नाम दा आगुल, यार से दुनिया वशिवास माळुल कनि अच नानी कळ्या. 22 अद महमा जो नी नानी कोट्या ना आंदरी अद कोट्टीन, कि आंदुर हांग अच ऊंद आगुल ह्यांग कनि नाव ऊंद आयेव, 23 ना आंदुर दा अदकि नी नान दा कि आंदुर सदिध आगकु ऊंद आगेगुल, अदकि दुनिया जानसुल कनि अच नानी कळ्या, अदकि ह्यांग नी नान से प्यार ईट्ट हांग अच आंदुर से प्यार ईट्ट. 24 हे आप्प, ना चाहासतीन कियारी नी नानी कोट्या, येल ना आईन अल आंदुर भी नान सांगुळ ईरूल, कि आंदुर नान आ महमा अक नोळुल जो नी नानी कोट्या, यतकी नी दुनिया अन उत्पत्तसे पयले नान से प्यार ईट्ट. 25 हे न्यायी आप्प, दुनिया नानी जानसीदील, लेकीन ना नीनी जान्सदीन; अदकि इंदुर भी जान्सदुर कनि अच नानी कळ्या. 26 ना नीन हेसुर आंदरी हेळदीन अदकि हेळ्ट ईराइन कि जो प्यार नीनी नान से ईरोद अद आंदुर दा ईरूल, अदकि ना आंदुर दा ईरूल.”

18

यीशु उक हळसुसकु आगोद

(मत्ती २६:४७-५६; मरकुस १४:४३-५०; लूका २२:४७-५३)

1 यीशु ई मातगोळी अनकु तान चेलागोळ सांगुळ कदिरोन नाला अन आप्पाटी होदुन. अल ऊंद बेली ईरोद, यदुर्दा आव अदकि आऊन चेलागोळ होदुर. 2 आऊक हुळसुसावाळा यहूदा भी अद जागा जानसोन, यतकी पयले हापाळ घन यीशु तान चेलागोळ सांगुळ अल होगीदुन. 3 आग यहूदा, सैनकिगोळ्द ऊंद दल इक अदकि प्रधान याजकगोळी अदकि फरीसीगोळ दी टु चौकीदारगोळी हुळकु, कंदीलगोळ, मशालगोळी अदकि हथयारगोळी हुळकु अल बंदुन. 4 आग यीशु, आ सप्पा मातगोळी जो आऊन मा बरावाळा ईरव जान्सकु, होट्टुन अदकि आंदुर से अंदुन, “यारी हुंढसतीर?” 5 आंदुर आऊक उत्तर कोट्टुर, “यीशु नासरी अक.” यीशु आंदुर से अंदुन, “ना हुईन.” आऊक हुळसुसावाळा यहूदा भी आंदुर सांगुळ नदिरकु ईरोन. 6 आऊंद ईद अनतेला अच, “ना हुईन,” आंदुर हदि सरकुसकु जागा मा बदिदुर. 7 आग आव मातुत आंदुर से केळदुन, “नीव यारी हुंढसतीर.” आंदुर अंदुर, “यीशु नासरी अक.” 8 यीशु उत्तर कोट्टुन, “ना रा नीम से अंद कोडीन का ना हुईन, अगर नानी हुंढसतीर रा इंदरी होगोळी.” 9 ईद इदुरसाटी आत क अद वचन पुरा आगुल जो आव अंददिन: “यारी नी नानी कोट्या आंदुर दा टु ना ऊंद इक भी खोऊसीदील.” 10 आग शमौन पतरस तलवार, जो आऊन हात्ती ईरोद, जेळदुन अदकि महायाजक उन दास मा नळसकु आऊन ऊमा कवि हारस बुदुन. आ दास उन हेसुर मलखुस ईरोद. 11 *आग यीशु पतरस से अंदुन, “तान तलवार म्यान दा ईट. जो कटोरा आप्प नानी कोटान, येन ना अदरी कुडुतीदील?”

हन्ना अन पयले यीशु

12 आग सैनकिगोळ अदकि आंदुर सूबेदार अदकि यहूदीगोळ चौकीदारगोळ यीशु उक हुळकु कट बुटुर, 13 अदकि पयले आऊक

* 18:11 १८:११ मत्ती २६:३९; मरकुस १४:३६; लूका २२:४२

हन्ना अन हात्ती ओतुर, यतकी आव आ वर्ष इन महायाजक कैफा अन माँव ईरोन. ¹⁴ ईव आवा कैफा ईरोन, यार यहूदीगोळी सलाह कोटीदुन कनिनाम लॉकुर साटी ऊंद मळसा अन सायोद वळ्लीद आद.

पतरस उन इनकार

(मत्ती २६:६९,७०; मरकुस १४:६६-६८; लूका २२:५५-५७)

¹⁵ शमौन पतरस अदकि ऊंद अन्य चेला भी यीशु उन हदि आगेदुर. ईव चेला महायाजक उन जाना पयचाना ईरोन, इदुरसाटी आव यीशु उन सांगुळ महायाजक उन आंगुळ दा होदुन, ¹⁶ लेकीन पतरस व्हार्या दरवाजा मा नदिरकु ईततुन. आग आव दुसरा चेला जो महायाजक उन जान पयचान इनव ईरोन, व्हार्या होट्टुन अदकि चौकीदारगीत इन से अनकु पतरस उक बुळ्क तंदुन. ¹⁷ आ दासी जो चौकीदारगीत ईरोर, पतरस से अंदुर, “येनारा नी भी ई मळसा अन चेलागोळ दा टु रा हल्लेच?” आव अंदुन, ईला “ना आल्लच.” ¹⁸ दास अदकि चौकीदार सोळ इन कारण कौरसा होत्ताकु नदिरकु बेक्की सेकसोर, अदकि पतरस भी आंदुर सांगुळ नदिरकु बेक्की सेकसोन.

महायाजक उन द्वारा यीशु उन जाँच

(मत्ती २६:५९-६६; मरकुस १४:५५-६४; लूका २२:६६-७१)

¹⁹ आग महायाजक यीशु से आऊन चेलागोळ बारा दा अदकि आऊन उपदेश इन बारा दा जाँच माळदुन. ²⁰ यीशु आऊक उत्तर कोट्टुन, “ना दुनया अन सांगुळ खुल्सकु मातगोळी हेळदीन; ना सभागृहगोळ अदकि मंदरि दा, यल सप्पा यहूदी जमा आगतोगोर, सदा उपदेश माळदीन अदकि गुप्त दा येनु अंददिल. ²¹ नी नान से येती केळतया? केळावाळेर से केळ कनिना आंदुर से येन अंदीन. नोळ, आंदुर जान्सतार कनिना येन येन अंदीन.” ²² याग आव ईद अंदुन, रा चौकीदारगोळ दा टु ऊंद

जो हात्ती नदिरकु ईरोन, यीशु उक क्याबरा बळकु अंदुन, “येन नी महायाजक उक ईत्ता प्रकार देल उत्तर कोळत्या?” ²³ यीशु आऊक उत्तर कोट्टुन, “अगर ना बुरा अंदीन, रा आ बुराई अन गवाही कोळ; लेकीन अगर भला अंदीन, रा नानी येती बडुत्या?” ²⁴ हन्ना आऊक कटकु कैफा महायाजक उन कळु बुटुन.

पतरस उन दुबारा इनकार

(मत्ती २६:७१-७५; मरकुस १४:६९-७२; लूका २२:५८-६२)

²⁵ शमौन पतरस नदिरकु बेक्की सेकसोन. आग आंदुर आऊन से अंदुर, “येनारा नी भी रा आऊन चेलागोळ दा टु रा हैलेच?” आव इनकार माळकु अंदुन, “ना आल्लच.” ²⁶ महायाजक उन दासगोळ दा टु ऊंद, जो परवार दा टु ईरोन यार्द कवि पतरस कोद बुटीदुन, अंदुन, “येन ना नीनी आऊन सांगुळ बेली दा ईला नोळीदिनि?” ²⁷ पतरस मात्त इनकार माळदुन, अदकि तुरन्त हुंज कुग्त.

पलातुस उन मुंद यीशु

(मत्ती २७:१,२,११-१४; मरकुस १५:१-५; लूका २३:१-५)

²⁸ आग आंदुर यीशु उक कैफा अन हात्ती टु कलिा अक ओतुर, अदकि व्हातुर इन समय ईरोद, लेकीन आंदुर खुद कलिा अन बुळक होगीदील ताकी अशुध्द आगबाळुल लेकीन फसह तनि सकुल. ²⁹ आग पलातुस आंदुर हात्ती व्हार्या होटकु बंदुन अदकि अंदुन, “नीव ई मळसा मा याता मात इन आरोप हचतीर?” ³⁰ आंदुर आऊक उत्तर कोट्टुन, “अगर आव कुकर्मी ईला ईरायदुन रा नाव आऊक नीन कय दा ईला कोळायदेव.” ³¹ पलातुस आंदुर से अंदुन, “नीव अच ईऊक वोटकु तान व्यवस्था अन अनुसार आऊद न्याय माळी.” यहूदीगोळ आऊन से अंदुर, “नामी अधिकार हैलेच कि यारदारा जीव ताकोडेव.” ³² ईद इदुरसाटी आत कि यीशु उन अद मात पुरा आगुल जो

आव ईद संकेत कोळाहोती अंददिन क्कि आऊंद मृत्यु ह्यांग आदीत.

33 आग पलातुस मात्त कलिा अन बुळ्क होदुन, अदकि यीशु उक कारूकु आऊन से केळदुन, “येन नी यहूदीगोळ राजा हुय?” 34 यीशु उत्तर कोट्टुन, “येन नी ईद मात तान दी टु अनत्या या दुसरागोळ नान बारा दा नीन से ईद अंदार?” 35 पलातुस उत्तर कोट्टुन, “येन ना यहूदी हुईन? अपमान अच जाती अदकि प्रधान याजकगोळ नीनी नान कय दा कोटार. नी येन माळ्या?” 36 यीशु उत्तर कोट्टुन, “नान राज्य ई दुनया अन आल्लच; अगर नान राज्य ई दुनया अन आगाईत, रा नान सेवकगोळ लळाई माळायदुर कनिनी यहूदीगोळ कय दा कोटकु आगबाळुल: लेकीन नान राज्य ईल ईद आल्लच.” 37 पलातुस आऊन से अंदुन, “रा येन नी राजा हुय?” यीशु उत्तर कोट्टुन, “नी अनत्या क्कि ना राजा हुईन. ना इदुरसाटी पैदा आदीन अदकि इदुरसाटी दुनया दा बंदीन क्कि सच्चाई इन गवाही कोळाईन. जो यावारा सच्चाई नव आन, आव नान आवाज केळतान.” 38 पलातुस आऊन से अंदुन, “सही येन आद?”

मृत्यु दण्ड इन आग्या

(मत्ती २७:१५-३१; मरकुस १५:६-२०; लूका २३:१३-२५)

ईद अनकु आव मात्त यहूदीगोळ हात्ती होदुन अदकि आंदुर से अंदुन, “नानी रा आऊन दा येनु दोष सक्कीदील. 39 लेकीन नीमद ईद रीत आद क्कि ना फसह दा नीमद साटी ऊंद मळसा अक बटि बुळाईन. इदुरसाटी येन नीव चाहासतीर क्कि ना नीम साटी यहूदीगोळ राजा अक बटि बुळाईन?” 40 आग आंदुर मात्त चलिळासकु अंदुर, “ईऊक ईला, लेकीन नाम साटी बरअब्बा अक बटि बुळ.” अदकि बरअब्बा डाकू ईरोन.

19

1 इदुर मा पलातुस यीशु उक क्वाळा बळसुसदुन.

2 सपिाहीगोळ मुळलगोळ मुकुट माळकु आऊन ताल्ला मा ईटदुर, अदकि जांभळा कलर इन कपळा हाकसुसदुर. 3 अदकि आऊन हात्ती खुशी देल बंद बंदकु अनली कुरतुर, “हे यहूदीगोळ राजा, प्रणाम!” अदकि आऊक क्याबरा भी बळदुर. 4 आग पलिातुस मात्त व्हार्या होटकु लाकुर से अंदुन, “नोळी, ना आऊक नीम हात्ती मात्त व्हार्या तरतीन; ताकी नीव जान्सी क्कि आऊन दा नानी येनु भी दोष सक्कीदील.” 5 आग यीशु मुळलगोळ मुकुट अदकि जांभळा कलर इन कपळा हाक्कु व्हार्या होट्टुन; अदकि पलिातुस आंदुर से अंदुन, “नोळी, ईव मंळसा!” 6 “याग प्रधान याजकगोळ अदकि चौकीदारगोळ आऊक नोळदुर, रा चलिळासकु अंदुर, आऊक क्रूस मा येरस, क्रूस मा!” पलिातुस आंदुर से अंदुन, “नीव अच आऊक हुळकु क्रूस मा येरसी, यतकी नानी आऊन दा येनु दोष सक्कीदील.” 7 यहूदीगोळ आऊक उत्तर कोट्टुर, “नामद भी व्यवस्था आद अदकि आ व्यवस्था अन अनुसार आव कोद बुळोद योग्य आन, यतकी आव तान तान इक परमेश्वर उन पार माळदुन.” 8 याग पलिातुस ईद मात केळदुन रा अदकि भी अंजेदुन, 9 अदकि मात्त कलिा अन बुळ्क होदुन अदकि यीशु से अंदुन, “नी येलेव हुय?” लेकीन यीशु आऊक येनु भी उत्तर कोटीदील. 10 इदुर मा पलिातुस आऊन से अंदुन, “नान से येती माताळाल? येन नी जान्साल क्कि नीनी बटि बुळोद अधिकार नानी आद, अदकि नीनी क्रूस मा येरसोद भी अधिकार नानी आद.” 11 यीशु उत्तर कोट्टुन, “अगर नीनी म्याकुच टु कोटकु ईला आगाईत, रा नीन नान मा येनु अधिकार ईला ईराईत; इदुरसाटी याव नानी नीन कय दा हुळसुस्यान आऊन पाप यक्कुल आव.” 12 इदुर मा पलिातुस आऊक बटि बुळोद चाहासदुन, लेकीन यहूदीगोळ चलिळास चलिळासकु अंदुर, “अगर नी ईऊक बटिबुट्या, रा नीन भक्ती कैसर सरकार उन दी हैलेच. जो यावारा तान तान

इक राजा माळतान आव कैसर सरकार इन सामना माळतान.”
 13 ई मातगोळी केळकु पलिातुस यीशु उक व्हार्या तंदुन अदकि आ जागा कल्ल इन ऊंद चबूतरा ईरोद जो इब्रानी भाषा दा “गब्वता” कहलुसतद, अदकि अल न्याय आसन मा कुरुतुन.
 14 ईद फसह अन तयारी इन दनि ईरोद, अदकि सहावा घंटा अन लगभग ईरोद. आग आव यहूदीगोळ से अंदुन, “नोळी नीम राजा!” 15 लेकीन आंदुर चलिळासदुर, “ओय! ओय! आऊक क्रूस मा येर्स!” पलिातुस आंदुर से अंदुन, “येन ना नीम राजा अक क्रूस मा येरसाईन?” प्रधान याजकगोळ उत्तर कोट्टुर, “कैसर सरकार उक बटिकु नाम याऊ राजा हैलेच.” 16 आग पलिातुस यीशु उक आंदुर कय दा कोट बुटुन ताकी आव क्रूस मा येर्सकु आगुल.

यीशु उक क्रूस मा येर्सकु आगोद

(मत्ती २७:३२-४४; मरकुस १५:२१-३२; लूका २३:२६-४३)

इदुरसाटी आंदुर आऊक तान कबजा दा माळदुर. 17 आग आंदुर यीशु उक ओतुर, अदकि आव तान क्रूस नेगुकु आ जागा ताका व्हार्या होदुन, जो “खोपळी इन जागा” अनकु आगतद अदकि इब्रानी भाषा दा “गुलगुता.” 18 अल आंदुर आऊक अदकि आऊन सांगुळ अदकि येढ मळसागोळी क्रूस मा येर्सदुर, ऊंद इक इत्त अदकि ऊंद इक आत्त, अदकि न्याड्या दा यीशु उक.
 19 पलिातुस ऊंद दोष चट्ठी लखिसकु क्रूस मा हच बुटुन, अदकि अदुर दा ईद लखिसकु ईरोद, “यीशु नासरी, यहूदीगोळ राजा.”
 20 ईद दोष चट्ठी हापाळ सा यहूदीगोळ वाचुसदुर, “यतकी अद जागा यल यीशु क्रूस मा येर्सकु आगीदुन नगर इन हाती ईरोद; अदकि चट्ठी इब्रानी अदकि लतीनी अदकि ग्रीक भाषा दा लखिसकु ईरोद. 21 आग यहूदीगोळ प्रधान याजकगोळ पलिातुस से अंदुर, ‘यहूदीगोळ राजा’ लखिसबाळ लेकीन ईद कर् ‘आव अंदुन’ ना यहूदीगोळ राजा हुईन.” 22 पलिातुस उत्तर

कोट्टुन, “ना जो लखिस बुटीन, अद लखिस बुटीन.” ²³ याग सैनिकि यीशु उक कूस मा येर्स बुटुर, रा आऊन कपळा हुळकु नाक भाग माळदुर, हर सैनिकि उन साटी ऊंद भाग, अदकि कुळता. भी ताकोडुर, लेकीन कुळता. बनिा होल्दकु म्याकुच टु ल्यालमा ताका बन्सकु ईरोद. ²⁴ इदुरसाटी आंदुर आपस दा अंदुर, “नाव इदरी हरालेव, लेकीन इदुर मा चट्टी हाक्केव कि ईद यार्द आदीत.” ईद इदुरसाटी आत कि पवतिरशास्त्र दा जो लखिसकु आद पुरा आगुल

“आंदुर नान कपळा आपस दा वाट्स बुटुर अदकि नान कपळा मा चट्टी हाकदुर.” ²⁵ इदुरसाटी सैनिकिगोळ हगि अच माळदुर. यीशु उन कूस इन हाती आऊन मोय, अदकि आऊन मोय इन आकतींग, क्लोपास उन हगिस मरयिम, अदकि मरयिम मगदलीनी नदिरकु ईरोर. ²⁶ याग यीशु तान मोय, अदकि आ चेला अक यार से आव प्यार ईटतोगोन हात्ती नदिरकु नोळदुन रा तान मोय से अंदुन, “हे आर्त, नोळ, ईव नीन पार हुन.” ²⁷ आग आव चेला से अंदुन, “ईक नीन मोय उर.” अदकि अदा समय टु आव चेला आकी तान मान्या ओतुन.

यीशु उन मृत्यु

(मत्ती २७:४५-५६; मरकुस १५:३३-४१; लूका २३:४४-४९)

²⁸ इदुर बाददा यीशु ईद जान्सकु कि ईग सप्पा येनारा पुरा आगेग्याद, इदुरसाटी कि पवतिरशास्त्र दा जो अंदकु आगीत अद पुरा आगुल, अंदुन, “ना प्यासा आईन.” ²⁹ अल हुळलग अंगुर इन रास्सा देल तुमकु ऊंद बरतन ईटकु ईरोद, इदुरसाटी आंदुर सरिका दा नेनाकद ऊंद स्पंज इक हसिसप इन डगालगोळ मा ईटदुर अदकि म्याकुच नेगुकु, आऊन बाय इक हचदुर. ³⁰ याग यीशु अद सरिका हुळदुन अदकि अंदुन, “पुरा आत.” अदकि ताल्ला ल्यालमा माळकु जीव बटि बुटुन.

भाला देल छेद माळोद

31 इदुरसाटी की अद तयारी अन दनि ईरोद यहूदीगोळ पलातुस से वनिती माळदुर की आंदुर कालगोळी मुरदकु आगुल अदकि आंदुर ईळ्सकु आगुल, ताकी आराम इन दशिी आंदुर क्रूस मा ईरबाळुल, यतकी अद आराम इन दनि धोळद दनि ईरोद. 32 इदुरसाटी सैनकिगोळ बंदकु आ मंळसागोळ दा टु पयला मंळसा अन कालगोळी मुरदुर आग दुसरा अन भी, जो यीशु उन सांगुळ क्रूस मा येर्सकु आगीदुर; 33 लेकीन यीशु उन हात्ती बंदकु नोळदुर की आव सोतोग्यान, रा आऊन कालगोळी मुरदीदील. 34 लेकीन सैनकिगोळ दा टु ऊंद सैनकि बरची देल आऊंद हतोरी दा छेद माळदुन, अदकि अदुर दा टु तुरन्त खुन अदकि नीर होळ्त. 35 याव ईद नोळदुन, आव गवाही कोटान, अदकि आऊन गवाही खरा आद; अदकि आव जानसतान की आव सही अनतान की नीव भी वशिवास माळी. 36 ई मातगोळ इदुरसाटी आदव कपिवतिरशास्त्र दा जो अनकु आगीत अद पुरा आगुल, “आऊंद यातोदु येलु मूरूकु आगतीदील.” 37 *मातत ऊंद अदकि शास्त्र दा ईद लखिसकु आद, “थारी आंदुर छेद माळ्यार, अदुर मा आंदुर नजर हाक्यार.”

यीशु उक नळ्सकु आगोद

(मत्ती २७:५७-६१; मरकुस १५:४२-४७; लूका २३:५०-५६)

38 ई मातगोळ बाददा अरमितया अन यूसुफ जो यीशु उन चेला ईरोन, लेकीन यहूदीगोळ अंजूक देल ई मात इक होचकु ईटतोगोन, पलातुस से वनिती माळदुन की येन आव यीशु उन लाश ओय सकतान. पलातुस आऊन वनिती केळदुन, अदकि आव बंदकु आऊन लाश ओतुन. 39 *नीकुदेमुस भी, जो यीशु उन हात्ती ईळलकी होगीदुन, पचास सेर इन लगभग मलिस्द अत्तर अदकि एलवा तंदुन. 40 आग आंदुर यीशु उन लाश

ताकोंडुर, अदकि यहूदीगोळ नळसोद रीती अन अनुसार आऊक सुगन्ध द्रव इन सांगुळ मलमल इन चद्दर दा गुंळसदुन. ⁴¹ आ जागा मा यल यीशु क्रूस मा येर्सकु आगीदुन, ऊंद बेली ईरोद, अदकि आ बेली दा ऊंद व्हाशोद कब्र ईरोद यल यागलु यारदु लाश ईटकु ईला आगीत. ⁴² इदुरसाटी यहूदीगोळ तयारी अन दनि इन कारण आंदुर यीशु उक अदुर दा ईटदुर, यतकी अद कब्र हाती ईरोद.

20

खाली कब्र

(मत्ती २८:१-८; मरकुस १६:१-८; लूका २४:१-१२)

¹ हपता अन पयला दशी मरयिम मगदलीनी व्हातर्या का अंधार ईरतेला अच कब्र मा बंदुर, अदकि कल्ल इक कब्र मा टु हटुसकु नोळदुर. ² आग आक ओळतेला होदुर अदकि शमौन पतरस अदकि आ दुसरा चेला अन हात्ती यार से यीशु प्यार ईटतोगोन, बंदकु अंदुर, “आंदुर परभु उक कब्र दा टु तेगुकु ओतुर, अदकि नाव जानसालेव कि आऊक येल ईट बुटार.” ³ आग पतरस अदकि आव दुसरा चेला होटकु कब्र अन दी होदुर. ⁴ आंदुर येदुदु मुंदुर सांगुळ सांगुळ ओळार, लेकीन दुसरा चेला पतरस से मुंद वाळुसकु कब्र मा पयले पोहचुसदुन; ⁵ अदकि बांगकु कफन इन कपळा बदिकु नोळदुन, तरी आव बुळ्क होगीदील. ⁶ आग शमौन पतरस आऊन हदि हदि पोहचुसदुन, अदकि कब्र अन बुळ्क होदुन अदकि कफन इन कपळा बदिकु नोळदुन; ⁷ अदकि अद गमच्छा जो आऊन ताल्ला अक कटकु ईरोद, कफन इन कपळागोळ सांगुळ बदिकु ईला ईरोद, लेकीन अलग ऊंद जागा दा लपटुसकु ईटकु नोळदुन. ⁸ आग दुसरा चेला भी जो कब्र मा पयले पोहचुसीदुन, बुळ्क होदुन अदकि नोळकु वशिवास माळदुन. ⁹ आंदुर रा ईगासताका पवतिरशास्त्र अन अद मात

ईला समसीदुर की आऊक सोत्तुर दा टु जित्ता आगोद बदिदीत.
10 आग ई चेलागोळ तान मान्नी होटोदुर.

मरयिम मगदलीनी मा प्रगट आगोद
(मत्ती २८:१,१०; मरकुस १६:१-११)

11 लेकीन मरयिम वरलतेला कबर अन हात्ती अच व्हार्या नदिरकु ईत्तुर, अदकि वरलत वरलत कबर अन दी बांगकु,
12 येदद स्वर्गदूतगोळ इक बळिव कपळा हाककु ऊंद इक ताल्ला अन दी अदकि दुसरा अक काल इन दी कुर्तकु नोळदुर, यल यीशु उन लाश ईटकु आगीत. 13 आंदुर आकनि से अंदुर, “हे नारी, नी येती वरलत्या?” आक आंदुर से अंदुर, “आंदुर नान प्रभु उक नेगुकु ओतुर अदकि ना जानसालीन की आऊक येल ईट्यार.” 14 ईद अनकु आक हदि नोळदुर अदकि यीशु उक नदिरकु नोळदुर, लेकीन पहचानसीदील की ईव यीशु हुन. 15 यीशु आकनि से अंदुन, “हे नारी, नी येती वरलत्या? यारी दुंदुसत्या?” आक माली सम्सकु आऊन से अंदुर, “हे महाराज, अगर नी आऊक नेगु कोंड्या रा नानी हेळ की आऊक येल ईट्या, अदकि ना आऊक ओयाईन.” 16 यीशु आकनि से अंदुन, “मरयिम!” आक हदि नोळकु आऊन से इब्रानी भाषा दा अंदुर, “रबूनी!” मतलब “हे गुरु.” 17 यीशु आकनि से अंदुन, “नानी मुटबाळ, यतकी ना ईगासताका आप्प उन हात्ती म्याकुच होगली आईन, लेकीन नान वार्दुर हात्ती होगकु आंदुर से अंद बुळ, कनि तान आप्प अदकि नीम आप्प, अदकि तान परमेश्वर अदकि नीम परमेश्वर उन हात्ती म्याकुच होगतीन.” 18 मरयिम मगदलीनी होगकु चेलागोळी हेळदुर, “ना प्रभु उक नोळदीन, अदकि आव नान से ई मातगोळी अंदुन.”

चेलागोळ मा प्रगट आगोद

(मत्ती २८:१६-२०; मरकुस १६:१४-१८; लूका २४:३६-४९)

19 अदा दशी जो हप्ता अन पयला दनि ईरोद, द्यावगा अन होती याग अलेव दरवाजा येल चेलागोळ ईरोर, यहूदीगोळ अंज्क इन मारा देल बंद ईरव, आग यीशु बंदुन अदकि आंदुर न्याड्या दा नदिरकु आंदुर से अंदुन, “नीमी शांती सकिल.” 20 अदकि ईद अनकु आव तान कय अदकि तान हतोरी आंदरी तोरसदुन. आग चेलागोळ प्रभु उक नोळकु खुश आदुर. 21 यीशु आंदुर से मात्त अंदुन, “नीमी शांती सकिल; ह्यांग आप्प नानी कळ्यान, हांग अच ना भी नीमी कळुतीन.” 22 ईद अनकु आव आंदुर मा ऊरदुन अदकि आंदुर से अंदुन, “पवतिर आत्मा हुडी. 23 यार पाप नीव माफ माळी, अव आंदुर साटी माफ माळकु आग्याव; यार नीव ईटी, अव ईटकु आग्याव.”

थोमा मा प्रगट आगोद

24 लेकीन हन्नेळ दा टु ऊंद, मतलब थोमा जो ददिमुस कहलुस्तान, याग यीशु बंदुन रा आंदुर सांगुळ ईला ईरोन. 25 याग अनय चेलागोळ आऊन से अनली कुरतुर, “नाव प्रभु उक नोळेव,” आग आव आंदुर से अंदुन, “यागासताका ना आऊन कयगोळ दा खलिलागोळ छेद नोळ कोमालीन, अदकि खलिलागोळ छेद दा तान बेळ्ल हाक्क कोमालीन, अदकि आऊन हतोरी दा तान कय हाक्क कोमालीन, आगासताका ना वशिवास माळतीदील.” 26 येठ्ट दनि इन बाददा आऊन चेलागोळ मात्त मान्ना अन बुळ्क ईरोर, अदकि थोमा आंदुर सांगुळ ईरोन; अदकि दरवाजा बंद ईरव, आग यीशु बंदुन अदकि आंदुर बीच दा नदिरकु अंदुन, “नीमी शांती सकिल.” 27 आग आव थोमा से अंदुन, “तान बेळ्ल ईल तनकु नान कयगोळी नोळ अदकि तान कय तनकु नान कुसी दा हाक्क, अदकि अवशिवासी ईला लेकीन वशिवासी आग.” 28 ईद केळकु थोमा उत्तर कोट्टुन, “हे नान प्रभु, हे नान परमेश्वर!” 29 यीशु आऊन से अंदुन, “नी

नानी नोळ्या, येन इदुरसाटी वशिवास माळ्द? धन्य आंदुर आर यार बनिा नोळ्द वशिवास माळदुर.”

ई कतिाब इन उद्देश

30 यीशु अदकि भी हापाळ सा चमत्कार चेलागोळ मुंद तोरसदुन, जो ई कतिाब दा लखिसकु आगीदील; 31 लेकीन ईव इदुरसाटी लखिसकु आदव कि नीव वशिवास माळी कि यीशु अच परमेश्वर उन पार मसीह हुन, अदकि वशिवास माळी कि आऊन हेसुर देल जीवन सकिकुल.

21

तबिरियास झील इन कनिरा चेलागोळ मा प्रगट आगोद

1 ई मातगोळ बाद्दा यीशु तान तान इक तबिरियास झील इन कनिरा चेलागोळ मा प्रगट माळदुन, अदकि ई रीतदिल प्रगट माळदुन: 2 शमौन पतरस, अदकि थोमा जो ददिमुस कहलुस्तान, अदकि गलील इन काना नगर इन नतनएल, अदकि जब्दी अन पार, अदकि आऊन चेलागोळ दा टु येढ्ढ मुंदुर जमा ईरोर. 3 ✨शमौन पतरस आंदुर से अंदुन, “ना मेन हुडुली होगेतीन.” आंदुर आऊन से अंदुर, “नाव भी नीन सांगुळ बरतेव.” इदुरसाटी आंदुर होटकु इवांगा मा येरदुर, लेकीन आ ईळ्ळकी येनु हुळदीदील. 4 व्हातुर आगतेला अच यीशु कनिरा मा बंदकु नदिरदुन; तरी चेलागोळ पहचानसीदील कि ईव यीशु हुन. 5 आग यीशु आंदुर से अंदुन, “हे चकिोरगोळा, येन नीम हात्ती येनारा मेनगोळ आव?” आंदुर उत्तर कोट्टुर, “ईला.” 6 ✨आव आंदुर से अंदुन, “इवांगा अन ऊमा कय इन दी जार हाक्की रा सकिकेव.” इदुरसाटी आंदुर जार हाकदुर, अदकि सप्पा मेनगोळ बहुतायत इन कारण अदरी जेडु सकदील. 7 आग आ चेला यार से यीशु प्यार ईटतोगोन, पतरस से अंदुन, “ईव रा प्रभु हुन!” शमौन पतरस ईद केळकु

कई आव प्रभु हुन, नेळु मा गमछा कसुसदुन, यतकी आव बनिा कपळा नव ईरोन, अदकि झील दा हारेदुन. 8 लेकीन दुसरा चेलागोळ ड्वांगा मा मेनगोळ देल तुमकु जार जेडुतेला बंदुर, यतकी आंदुर कनिरा टु यक्कुल दुर ईला ईरोर, लेकीन येनारा येद्व सौ कय मा ईरोर.

9 याग आंदुर कनिरा मा ईळदुर, रा आंदुर कॉरसा अन बेक्की अदकि अदुर मा मेन ईटकु, अदकि रोट्टी नोळदुर. 10 यीशु आंदुर से अंदुन, “जो मेनगोळी नीव ईगल्या हुळदीर, अऊर दा टु येनारा तरी.” 11 रा शमौन पतरस ड्वांगा मा येरकु ऊंद सौ तरूपन धोड्डेव मेनगोळ देल तुमकु जार कनिरा मा जेळदुन, अदकि ईस मेनगोळ ईत्तुर मा भी जार हरदीदील. 12 यीशु आंदुर से अंदुन, “बरी, भोजन माळी.” चेलागोळ दा टु यारूकु साहस आगीदील कई आऊन से केळुल, “नी याव हुय?” यतकी आंदुर जानसोर कईव प्रभु अच हुन. 13 यीशु बंदुन अदकि रोट्टी हुळकु आंदरी कोट्टुन, अदकि हांग अच मेन भी. 14 ईद तसिरा बार हुन कई यीशु सोत्तुर दा टु जत्तिता आगदुर बाद्दा चेलागोळी काळ्सदुन.

यीशु अदकि पतरस

15 भोजन माळदुर बाद्दा यीशु शमौन पतरस से अंदुन, “हे शमौन, यूहन्ना अन पार, येन नी इंदुर से वाळुसकु नान से प्यार ईटत्या?” आव आऊन से अंदुन, “हव, प्रभु; नी रा जानसत्या कई ना नीन से प्यार ईटतीन.” आव आऊन से अंदुन, “नान म्यांडा अन पाड्डागोळी आळ्स.” 16 आव मात्त दुसरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” आव आऊन से अंदुन, “हव, प्रभु; नी रा जानसत्या कई ना नीन से प्यार ईटतीन.” आव आऊन से अंदुन, “नान म्यांडागोळ रखवाली माळ.” 17 आव तसिरा घन आऊन से अंदुन, “हे शमौन, यूहन्ना अन पार, येन नी नान से प्यार ईटत्या?” पतरस उदास आदुन कई यीशु आऊन से तसिरा घन

अंदुन, “येन नी नान से प्यार ईटत्या?” अदकि आऊन से अंदुन, “हे प्रभु, नी रा सप्पा येनारा जान्सत्या; नी ईद जान्सत्या कि ना नीन से प्यार ईटतीन.” यीशु आऊन से अंदुन, “नान म्यांडागोळी आळस. 18 ना नीन से सही सही अनतीन, याग नी हारोदव ईर्या रा तान नेळु कटकु येल चाहस्या अल टेटाळ्या; लेकीन नी याग हाळाबाट आद्या रा तान कय फैलुस्या, अदकि दुसरा नीन नेळु कटकु येल नी चाहासतीदील अल नीनी वोतान.” 19 आव ई मातगोळ देल इशारा कोट्टुन कि पतरस ह्यांग मृत्यु देल परमेश्वर उन महमा माळ्यान. अदकि आग आव आऊन से अंदुन, “नान हदि आगोग.”

यीशु अदकि आऊन प्रयि चेला

20 ✨पतरस पलटुसकु आ चेला अक हदि बरतेला नोळदुन, यार से यीशु प्यार ईटतोगोन, अदकि याव भोजन इन समय आऊन याद्दा अन दी बांगकु केळीदुन, “हे प्रभु, नीनी हुळसुसावाळा याव हुन?” 21 आऊक नोळकु पतरस यीशु से अंदुन, “हे प्रभु, ईऊंद येन हाल आदीत?” 22 यीशु आऊन से अंदुन, “अगर ना चाहासाईन कि आव नान बरासताका रूक्सकु ईरूल, रा नीनी इदुर से येन? नी नान हदि आगोग.” 23 इदुरसाटी वार्दुर दा ईद मात फैलुसेत कि आव चेला सायतीदील, तरी यीशु आऊन से ईद अंददील कि आव सायतीदील, लेकीन ईद कि “अगर ना चाहासाईन कि आव नान बरासताका रूक्सकु ईरूल, रा नीनी इदुर से येन?”

24 ईव आवा चेला हुन जो ई मातगोळ गवाही कोळतान अदकि याव ई मातगोळी लखिस्यान, अदकि नाव जान्सतेव कि आऊन गवाही खरा आद.

उपसंहार

25 अदकि भी हापाळ सा क्याल्सा आव, जो यीशु माळदुन;
अगर अव ऊंद ऊंद माळकु लखिसकु आगायदव, रा ना सम्सतीन
ककिताबगोळ जो लखिसकु आगायदव अव दुनिया दा भी ईला
समुसयदव.

परमेश्वर उन खरा वचन

**The Holy Bible in the Holiya language of India: परमेश्वर
उन खरा वचन**

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6